

سرائیکی ادبی دگ

۱۹۹۷ء

حمیدُ الفت ملغانی

سرائیکی ادبی بورڈ (رجسٹرڈ) ملتان

"سرائیکی ادبی سہ ماہی ۱۹۹۶ء" بارے تاثرات

سرائیکی ادب کے محقق حمید الفت ملغانی نے ۱۹۹۶ء میں سرائیکی ادب اور ثقافت کے حوالے سے ہونے والے تحقیقی کام کا بھرپور جائزہ ایک کتابی صورت میں پیش کیا ہے جسے "سرائیکی ادبی سہ ماہی ۱۹۹۶ء" کا نام دیا گیا ہے۔ حمید الفت ملغانی کا یہ تحقیقی جائزہ سرائیکی ادبی بورڈ ملتان نے شائع کیا اور اس کا "پہلا صفحہ" ڈاکٹر طاہر تونسوی نے لکھا۔ حمید الفت ملغانی نے جو ایم۔ اے لائبریری سائنس اور ایم۔ اے سرائیکی میں اور گورنمنٹ علما دار حسین اسلامیہ کالج ملتان میں لائبریری کی حیثیت سے خدمات سرانجام دے رہے ہیں۔ اپنے جائزے میں تمام اصناف ادب میں ہونے والے نمایاں کام کا حوالہ دیا ہے اور دینی ادب، شاعری، لسانیات، افسانہ، ڈرامہ، خاکہ، انشائیہ، تحقیق، تنقید، تاریخ، ثقافت، لوک ادب، فریدیات، ہنری ادب، سیاسی ادب، ادبی کٹھ، صحافت کا نیا مور اور سالانہ ایوارڈز کے عنوانات کے تحت جنوبی پنجاب کے محققین، تخلیق کاروں، افسانہ نگاروں، ناقدوں اور ادیبوں کی نگارشات اور تخلیقات کے اوصاف و محاسن کو اجاگر کیا ہے۔ نیز نوائے وقت ملتان کے ہفت روزہ ایڈیشن "روبی رنگ" کے حوالے سے اور بہاولپور اور ڈیرہ غازی خان میں نوائے وقت کی کھلی کچھریوں میں اٹھانے گئے جنوبی پنجاب کے مسائل کی رپورٹوں کو سراہا ہے اور بلاشبہ "سرائیکی ادبی سہ ماہی ۱۹۹۶ء" کل کے محققین اور ادبی مورخین کو اپنا تحقیقی کام آگے بڑھانے میں مددگار ثابت ہوگا۔ حمید الفت ملغانی نے جنوبی پنجاب کی تاریخ و ثقافت کے حوالے سے جن لکھاریوں کا بطور خاص ذکر کیا ہے ان میں ہاشم شیر خان، شوکت مغل، بشلیل پٹانی، جاوید عثمان شامی، مظہر علی لشاری، محمد ادریس عثمانی، مظہر آفتاب چنبرہ ایڈوکیٹ شامل ہیں۔

(روزنامہ "نوائے وقت" ملتان - ۱۰ - جون ۱۹۹۷ء)

جیونیں جو حمید الفت ملغانی داناں محتاج تعارف کیسی ایویں ای انہاں دی ہر لکھتے تحقیق اچ مبالغہ کنوں پاک نئے حقائق اُتے بنی چوٹاں ہوندین۔ "سرائیکی ادبی سہ ماہی ۱۹۹۶ء" دے ناں نال ۱۹۹۶ء دا انہاں دا ادبی جائزہ پڑھ کر امیں اندازہ تعیندے جو انہاں ایندی تحقیق تے ترتیب اچ ہوں دیانت داری تے اپنے بے لوث محققانہ جذباتوں کنوں کم گھدے۔ "سرائیکی ادبی سہ ماہی ۱۹۹۶ء" وچ لکھاری نے ادب دی ہر اول صنف کون قاری دے سامھے رکھے جیندے اُتے ۱۹۹۶ء وچ ساڈے سرائیکی تخلیق کاراں نے اپنے اپنے قلم چا تے اشاعتی اداریاں نے انہاں کون چھاپے۔ ملغانی صاحب دے تحقیقی جذباتوں کون داد ڈتے بغیر فی رہ سگیندا جنہاں ہر چمن وچوں ہر پھل دی خوشبو داعرق کشید کر کے سرائیکی ادبی سہ ماہی دی زینت بنائے۔ ملغانی صاحب دی ایں گالھ کون اسان خاص طور تیں محسوس کیتے جیرھی انہاں "سرائیکی ادبی سہ ماہی ۱۹۹۶ء" دے اوائل اچ اپنی گالھ دے عنوان نال لکھی اے جو ہر سال ملک دیاں تمام زبانوں کنوں زیادہ اشاعت سرائیکی کتاباں دی ہے پر حکومتی گرانٹ سب کنوں گھٹ ہیں کون ملدی اے۔

(ہفت روزہ "صدائے مخدوم" مظفر گڑھ - ۲۵ تا ۳۱ مئی ۱۹۹۷ء)

لکھت:

سرائیکی ادبی دڳ ۱۹۹۷ء

لکھاری:

حمید اُلفت ملغانی

چھپیندڙ:

سرائیکی ادبی بورڈ (رجسٹرڈ) ملتان

چھپڻ دی تاریخ:

فروری ۱۹۹۸ء

کمپوزنگ:

کمپیو گرافکس ملتان

چھاپ گھر:

بسم اللہ پرنٹنگ سروس ملتان فون: ۵۴۱۲۶۱

مجلدی:

ظہیر بک بائنڈر - ملتان

سوبنپ:

عبدالقادر ملغانی

پہلا صفحہ

۱۹۹۷ء دے سرانیکی ادب دا جائزہ "سرانیکی ادبی دگ" سرانیکی ادبی بورڈ دی تیرھویں پیش کش ہے جینکوں محقق، مترجم، نقاد، شاعر تے جائزہ نگار سئیں حمید الفت ملغانی وڈی محنت نال (حسب روایت) ترتیب ڈتے۔ ایند ابک مختصر روپ نوائے وقت ملتان وچ وی شائع تھئے۔

ایں تون پہلے بورڈ دیاں جیڑھیاں کتاباں شائع تھئیں انہیں دی تفصیل اے۔

حمید الفت ملغانی

محمد سلیم احسن

حمید الفت ملغانی

شوکت مغل

بہار النساء بہار

ڈاکٹر طاہر تونسوی

حمید الفت ملغانی

حمید الفت ملغانی

غلام حسین ساجد

شوکت مغل

استاد فیض تونسوی

حمید الفت ملغانی

"سرانیکی ادبی دگ" سئیں حمید الفت ملغانی دی محنت تے کاوش دا نتیجہ اے تے نہن ایں گالہ دے آکھن دی لوڑھ کئے فی جو سئیں حمید الفت ملغانی اے

۱۔ سرانیکی لوک ریت

۲۔ چیتے چیتے

۳۔ سرانیکی ادبی ٹور ۱۹۹۳ء

۴۔ ملتان دیان واران (خواجہ فرید ایوارڈ)

۵۔ چیل بل اکھیں

۶۔ سرانیکی وچ مزا حمشی شاعری

۷۔ سرانیکی ادبی پندھ ۱۹۹۴ء

۸۔ سرانیکی ادبی رت ۱۹۹۵ء

۹۔ پانی رمرز بھرے

۱۰۔ سرانیکی محاورے

۱۱۔ پریت دا ڈکھ

۱۲۔ سرانیکی ادبی سمل ۱۹۹۶ء

کم وڈی محنت تے تحقیق نال کیتے تے ہر کتاب کتابچے تے کتاب لڑی کوں آپ
 ڈیکھ کر ایس نہ صرف اونکوں درج کیتے بلکہ اوندے اُتے تبصرہ وی کیتے ایس طرح
 سرانیکی موضوعات بارے اردو کتابیں تے رسالیں وچ چھپن آ لے مضامین دا
 تذکرہ وی کر ڈتے تاں جو سرانیکی ادبی سفر دا پورا منظر نامہ سامنے آونجے ایس
 حوالے نال اے ہمیشہ آلی کاربک ادبی دستاویز اے جیڑھی سرانیکی زبان و ادب
 تے تحقیقی کم کرن آلیں دی لوڑھ کوں پورا کریندی اے تے کریندی رہی وڈی
 گالھ اے بے جو اسل جائزہ چنایں دی روایت کوں وی اگوں تے ودھائے۔ پر
 ٹساں اے گالھ ضرور محسوس کیشی ہوسی جو سرانیکی ادبی بورڈ ۱۹۹۷ء وچ صرف ایہو
 کتابچہ شائع کیتے ایندی وجہ پینے دی کمی اے کیوں جو گرانٹ تاں نہ ہون دے برابر
 اے تے ولا جیڑھے ٹول ڈاڈ ہزار ملدن او ترے چار قسطیں وچ ملدن تے آخری
 قسط تاں جولائی وچ آندی اے اکثر اوچیک کیش وی نہیں تھی سگدا۔ اے او
 خیرات ہے جیڑھی وسط ایشیاء وی سبقت وڈی زبان سرانیکی دی جھولی وچ سٹی
 ویندی اے ایندی بنیادی وجہ اے بے جو نہ تاں کئی ساڈی گالھ سُنڈے تے نہ ای
 کئی ساڈی گالھ کریندے۔ ایس بارے ٹساں سوچو تاں میکوں آپنی سوچ وچ ضرور
 شریک کرانے میں انتظار کریں میں سرانیکی وسیب توں مدد نہیں منگدا بس دعا
 دا طالب آں!

طاہر تونسوی
 سیکرٹری جنرل (اعزازی)

العائشہ - غالب سٹریٹ
 غفاریہ کالونی بوسن روڈ ملتان
 فون: 521456

آپنی گالھ

سیانے سچ آبدن "سال چکی دا پھیر اے" یعنی اوہو پتہ لگدے جو ہر سال بس
ڈھمکالی ڈیندے تے اوکوں لنگھ و بھٹ دی بہوں جلدی ہوندی اے۔ ایس طرح ۱۹۹۷ء
وی اپنا چکر پورا کر کے لنگھ گئے تے پچھوال دا حصہ بندیں ہوئیں آپنے پچھوں ڈھیر
ساریاں یاداں چھوڑ گئے۔ ظاہر اے اسل گزریے ویلھے کول تال پچھلے پیریں ٹورن توں
ریہوے بھل ایٹلا ضرور تھی سگدے جو انہیں یادیں دے سرمایے کول سانجھ کے رکھیجے۔

ایس سال دے سرائیکی ادبی دپ تیں جیڑھے پیرے لگدے رو گپین انہیں کول
گولن دی کوشش سارا سال کیستی رکھی اے۔ گول پھروں دے ایس کھم ونج بھل چک ضرور
تھی ویندی اے۔ تنوں میں اے دعویٰ نہیں کریندا جو میں تحقیقی حوالے نال جو کجھ
لکھداریاں او مکمل با یا جو لکھداریاں اے مکمل ہو سی۔

۱۹۹۷ء دے سرائیکی ادب دے جائزے بارے میڈی لکھت روزنامہ "نوائے
وقت" ملتان وچ ۲۰ جنوری ۱۹۹۸ء کول چھپی تال ڈھیر سارے لکھاریں حوصلہ افزائی
کرائی توں میں انہیں ساریں دانشور گزرباں تے نال نال انہیں دا وئی شکریہ ادا کرینداں
جنہیں میکوں ایس جائزے دے گھائے وادھے ڈسائے۔

میڈے خیال وچ ادبی جائزہ لکھن ایس گالھوں بک اوکھا کم اے جو ڈھیر سارے
لکھاری چابندن جو انہاں دی لکھت کول زیادہ اہمیت ڈتی ونجے تے اے ممکن نہ ہووٹ
دی وجہ توں انہاں دارویہ منشی وی تھی سگدے۔ جے قسمت نال کہیں لکھاری دی کتاب
کہیں وجہ توں جائزے وچ شامل نہیں تھی سگدی تال او لکھاری ایس بھل چک دی وجہ
تیں پنجن دی بجائے الانجا ڈیون توں نہ چلکی۔ خاص طور تیں سال دے چھیکڑ وچ چھپن
والیں کتابیں دامتہ ہر سال پیش آندے۔ کیوں جو کئی کتاباں چھپ و بھن دے
باوجود وی جلد بندی یا اوچھن دے مسئلے دی وجہ توں ویلھے سرمے نہیں آسگدیاں۔
جیویں سال نوائے وقت وچ چھپن والے جائزے دے حوالے نال ڈیندے بیٹں جو
راہی گبول دی کتاب "سرائیکی دی ترجمی کتاب" دے چھپ و بھن بارے اخباری

اطلاع ملی پکی بستی پر جائزہ چھپن توں کجھ ڈینہ پہلے لکھاری نال ملاقات تھئی تاں پتہ لگا جو اے کتاب کائینی چھپ سگی۔ ایویں سجاد حیدر پرویزی کتاب "سرائیکی ادب کی نشاۃ ثانیہ" دے چھپن دا پتہ جائزہ چھپ ونجی دے ڈو ڈینہ بعد پاکستان ٹیلی ویژن دے نشر تھیون والے "۱۹۹۷ء دے سرائیکی ادبی جائزے" توں لگا۔ اونج گالہ اے جو کتاب سامنے آئی تاں صابٹے دے صفحے تیں کتاب دے چھپن دے سال دا حوالہ وی کائینی۔ اقبال بانودی کتاب اوچھن دے مسئلے دی وجہ توں منظر توں ایس طرحاں اوڈھر تھئی جو پتہ ہوون دے باوجود وی جیسے توں لہہ گئی۔ دلشاد کلانجوی دی کتاب "ضلع بہاولپور: تاریخ تے ثقافت" پنجابی ادبی بورڈ لاہور دی طرفوں چھپ ونجی دی اطلاع تاں ملی اے پر اے وی پتہ لگے جو اے کتاب اچاں جلد بندی دے مرحلے وچ اے۔ یاوت بہار النساء بہار دی کتاب "سبھے خواب میڈئے" جھوک پبلشرز ملتان دی طرفوں ۱۹۹۷ء دے چھیکڑ وچ چھاپن شروع کیتی گئی پہلے سولہاں صفحیں دے علاوہ باقی صفحے چھپ گئے جنہیں وچ "دباجہ" تے "آپنی گالہ" دے چھیکڑ تیں دسمبر ۱۹۹۷ء وی چھپ گیا پر چھپائی دے مکمل مراحل توں لنگھدیں ہوئیں نواں سال آگیا تاں صابٹے دے صفحے تیں چھپن دا سال ۱۹۹۸ء درج کر ڈیا گیا۔ تاں ایس طرحاں نویں سال وچ شامل تھی ونجی والی ایس کتاب دا اخباری ادبی جائزے وچ اندراج مغالطے دی وجہ توں تھی گیا۔

چھیکڑ تیں میں اونیں تاں ساریں لکھاریں کول تے خاص طور تیں سال دے چھیکڑ وچ کتاباں سامنے گھن آون والے لکھاریں توں ارداس کریساں جو او آپنی کتاب دے کوائف دی اطلاع تکھے توں تکھے کر ڈتی کرن تاں ممکن ہے جو ایس قسم دے گھائے وادھے گھٹ تھی ونجی۔

حمیدُ الفت ملغانی

ایم۔ اے لائبریری سائنس
ایم۔ اے سرائیکی

لائبریرین

گورنمنٹ علمدار حسین اسلامیہ کالج

ملتان۔ فون ۳۰۶۷۸

۱۵۔ فروری ۱۹۹۸ء

دینی ادب

سرائیکی شاعری دے حوالے نال ڈٹھا ونجے تاں مذہبی شاعری وچ نعت تے مرثیہ کوں اہم مقام ڈٹا ویندے۔ انہیں موضوعیں بارے ہر سال کتاباں چھپ کے سامنے آندياں رہ ویندیں۔ دلشاد کلانچوی دے فوت تھیون دے بعد انہاں دے پتر جمشید کلانچوی "دلشاد کلانچوی تے انہاں دی نعتیہ شاعری" دے عنوان نال کتاب مرتب کیتی۔ ایس کتاب وچ دلشاد کلانچوی دے حیاتی دے حالات دے علاوہ نعتیہ سی حرفی شامل ہے۔ سرائیکی ادب وچ سی حرفی دی صنف اہم تے قدیم ہون دی وجہ توں اے نعتیہ کلام وی خاص اہمیت رکھدے۔ نبی سئیں ﷺ دی شان وچ لکھن:

"ز" زیارت نبی سوہنے دی خواہاں وچ کوئی پاوے
چہرہ سئیں دا رنج رنج سوہنا لکھیں کوں پیا بہاوے
نور مجسم ربوں جوبا، ثانی کتھوں آوے
دلشاد ایندی نعت لکھن وچ زور گئی کیا لاوے
شجاع آباد توں محمد خدا بخش اظہر دا ضخیم سرائیکی نعتیہ مجموعہ "دیوان اظہر" دے نال نال سامنے آئے۔ ایس توں پہلے انہیں دا اردو نعتیہ مجموعہ شائع تھی چکا ہا جیندی وجہ توں سرائیکی مجموعے کوں "حصہ دوم" لکھیا گئے۔ محمد خدا بخش اظہر دے کلام وچوں بک شعر جہڑا ہر دل دی آواز ہے۔

سنبھل دل دیوانی مدینہ قریب اے
جیندی تانگہ ہر دم تنگھیندیں گزر گئی

دیرہ غازی خان توں نواز بزدار دا نعتیہ مجموعہ "سک سرور" دے نال نال سامنے آئی۔ ایس کتاب وچ نعت دیں و نکلیں وچوں مسدس، ڈوہڑے تے قطعے خاص طور تیں شامل ہن۔ انہیں دے علاوہ منقبت کوں وی ایس کتاب وچ شامل کرن دی کوشش ڈیکھن وچ آئی اے۔ نواز بزدار دی ایس کتاب وچ سادہ تے عام فہم

زبان ورتی گئی اے۔ "سک سرور" وچوں نمونے دا کلام کجھ ایس طرحاں ڈٹما ونج
سگدے۔

روندی پٹیندی در تیدے آئی آں
قسمت دی ماری دشمن ستائی آں
گجھن آس آئی آں غم ٹال عربی ﷺ
بے شک بہیں سوہنا لچپال عربی ﷺ

بہاولپور دے حافظ محمد بشیر احمد مغفور سعیدی داناں سراسیکی نعتیہ کتابیں
دے حوالے نال تعارف دا محتاج کائناتی جتھاں انہیں کئی کتابیں دے نویں
ایڈیشن شائع کیتن اتھاں انہاں دی ترتیب ڈتی نویں کتاب "مٹھرا مدینہ" وی ایس
سال چھپ کے سامنے آئی اے۔

فاصل پور وچوں سراسیکی شاعر خلیل احمد شودا دی لکھت "میلاد محمد
مصطفیٰ ﷺ" شائع تھی۔ جیندے وچ نعتیہ شاعری دی خاص قسم "مولود شریف"
کوں شامل کیتا گئے۔ میلاد شریف دے حوالے نال نثر دے کجھ صفحے وی ایس
کتاب دا حصہ بنائے گئیں۔ نعتیہ قطعے تے ڈوہڑے خاص طور تیں ذکر دے قابل
ہن۔ جیویں جوہک نعتیہ ڈوہڑا اے۔

ڈینہ بارھاں دا ند مستانی تھیاں بر جا باغ بہاراں
جیرھے پیار محمدی رکھدے ہن انہاں خوشی منائی دلداراں
اظہار محبت تمیندا پئے پیاں لڈن دل دیاں تاراں
دل آبدی شودا عمر ساری ونج عرب شریف گزاراں
دلور نور پوری دا مرتب کیتا ہویا نعتیہ مجموعہ "نوری نعتاں" دا نواں
ایڈیشن ایس سال شائع تھیا۔ مرثیہ دے حوالے نال افضل ندیم افضل "مظلوم
کر بلا" دے نال نال مجموعہ چھپوایا جیندے وچ حسینی ڈوہڑے تے نوے پاتے
ویندن۔ خلیل احمد شودا دے ڈوہڑے "شہادت شہزادہ علی اکبر" تے "آصف دا
پینگھا" دے علاوہ منقبت دے طور تیں بشیر ابن بے رنگ دا کتابچہ "شان اولیاء"

کوں وی ۱۹۹۷ء وچ شائع کیتا گیا۔

دینی ادب بارے نثر دو دید بھنوائی ونجے تاں سب توں پہلے سیرۃ النبی ﷺ دے حوالے نال چھپن والی اہم تے سوہنی کتاب "سئیں سوہنے دا ذکر" سامنے آندی اے۔ ڈاکٹر محمد صدیق شاکر دی اے کتاب سرانیکی ادب وچ اہم ودھارا ہے۔ ایں کتاب داموضوع "ذکر نبیؐ رسولاں وچ" اے۔ جیندے وچ ایہجے جنہیں دا ذکر وی ملدے جنہیں دے بارے عام مسلمانیں وچوں گھٹ لوکیں کون علم اے۔ مثال دے طور تیں حضرت حنوک علیہ السلام، حضرت یسعیاہ علیہ السلام، حضرت حنوق علیہ السلام تے حضرت ملاکی علیہ السلام۔ ایں کتاب دے پڑھن نال پتہ لگدے جو ڈاکٹر محمد صدیق شاکر موضوع دا حق ادا کرن دی بھرویں کوشش کیتی اے۔ ایں توں پہلے ڈاکٹر محمد صدیق شاکر دیاں سیرت بارے کتابیں کئی ایوارڈ تے انعام دیاں حقدار قرار پڑیاں گئیں۔

سیرۃ النبی ﷺ دے موضوع تیں محمد رمضان طالب دی اہم کتاب وی شائع تھی چکی ہے ایں موضوع دے حوالے نال سب توں اہم کتاب "سوہنے سئیں" دے سوہنے سنیے "دے عنوان نال شائع تھی۔ محمد رمضان طالب دی ایں کتاب وچ نبی آخر الزمان حضرت محمد ﷺ دے بادشاہیں، گورنریں، صحابہ کرام تے بنہیں شخصیات کون پٹھے گئے پنجاہ توں وادھو خطیں کون شامل کیتا گئے۔ فرید سرانیکی سنگت دیرہ غازی خان دی طرفوں چھاپیا گیا کتابچہ "ارواح دے ایصال ثواب واسطے آسان طریقے" وی ایں سال سامنے آیا۔

دینی ادب دے حوالے نال کتابیں دے علاوہ کئی مضمون وی اخباریں تے رسالیں وچ چھپدے رہ گئیں۔ جنہیں وچوں ملک سلیم جوئیہ دیاں لکھتاں دعاوی قبولیت، روزیں دی مٹی دا مکھن "تقویٰ" اتے قرآن مجید دے فضائل تے خوبیاں، مقبول احمد بھٹی دی تحریر کیا عمرہ جائز ہے؟ ہاں عمرہ اسلامی عبادت ہے۔ ایجنٹر مدثر احمد دی لکھت قرآنی اخلاق (بیج لڑیاں)، اقبال منیر ملک دے مضمون "نبی سئیں دے معجزے"، محمد وارث ملک دی تحریر "شب قدر دی فضیلت" تے محمد عمر

فاروق دی لکھت "اسلامی اخوت، مساوات تے جمہوریت" دے ناں گنوا تے ونج
سگدن۔

شاعری

جے تک سرانیکی شاعری دا تعلق اے تاں روایتی تے کلاسیکی شاعری دے
نال نال جدید شاعری دارحجان وی ڈھیر سارا سامنے آون لگ پئے جدید سرانیکی
شاعری ونج اشولال داناں پہلی صف دے لکھاریں وچوں گنیا ونج سگدے۔ ایس سال
اشولال دا ترجمہ مجموعہ کلام "کال وسوں دا پکھی اے" سامنے آیا۔ اے مجموعہ انہیں
دیس پہلیں پڑوایاں کتابیں توں وکھری سچاں رکھدے۔ ایس کتاب ونج وادی سندھ
دی قدیم تہذیب وچوں ٹیکسلا، دمان، تھل، ہڑپہ، ملتان، روہی تے مومنجودار وادی
نہیں پتے پرانی ثقافت کول بک خاص انداز وچ سامنے گھن آون دی شعوری کوشش
ڈسندی اے۔ اشولال دی ایس شاہکار کتاب وچوں "سوئی وبار" دے حوالے دی بک
نظم:

کئی نسلان توں

اندری اندر لاہندے ویندے

اودھ پچھدے

ٹھلہ گواہان

"اتھان نیل ربیندا ہسی"

اج وی اونویں حوضیاں وچوں

تن آپے دے

نیل ولوڑ کے

راتیں چندرا بھردا ہے

جدید شاعری لکھن والیں دی قبیل ونج رفعت عباس داناں وی سرانیکی

ادب نال واقفیت رکھن والیں کیتے نواں نئیں۔ رفعت عباس دی نویں کتاب "سنگت وید" بک نوکلے انداز دی سوہنی تصنیف ہے جیندے وچ مصنف سرائیکی دی قدیم روایتی صنف "کافی" کوں جدید روایت دے قالب وچ ڈھال ڈا تجربہ کیتے۔ او ایں تجربے وچ حد درجے تئیں کامیاب وی نظر آندن۔ اج دے دودھی مناسبت نال لکھیں گئیں انہیں کافیں وچوں رفعت عباس دا بک نواں تے گنور رنگ ڈیکھو۔

اساں نویں کھیڈ توں ڈردے نئیں
پر دیہ بک اوپری کھیڈ والا
چو بستیں نال چھی پیریں نال
ساڈے شہر بزاریں دھرک پوندے
ساڈی تریہ وچوں ساڈی بک وچوں
بک اپنا رنج بندھندے ہے

اردو شاعری وچ اہم مقام رکھن والے لکھاری شوکت باہشی سرائیکی مجموعہ کلام "لودا بوکا" پیش کر کے سرائیکی شاعری وچ وی وکھری سچاں کرا گھدی اے۔ شوکت باہشی دی ایں کتاب وچ پیش کیتیں گئیں غزلیں تے آزاد نظمیں وچ سرائیکی وسیب دے رہوٹ سہوٹ دے کئی گچھے منظر سامنے آندن۔ سرائیکی ثقافت توں گھدے گئے استعارے تے تشبیہاں ایں کتاب دی سچاں بن جنہیں وچ مزاحمتی حوالہ خاص طور تیں واضح ڈسدے۔ آپسی بک نظم "جی رب سائیں" وچ بک جاء تیں لکھدن۔

وے ربا! تیدھی شان عجب ہے
ظالم کیویں ظلم کھاتے
گھر تیدھے اج آوڑدے بن
تیدھے ہاہمنے جھک ویندے بن
آپنا کیتا بھل ویندے بن

دھل ویندے بن

اتے مظلوم نصیباں مارے، رُل ویندے بن
سرائیکی نثر تے شاعری دیں کئی کتابیں دے لکھاری محمد اسلم بیتلادی
شعری کتاب "پیت اولڑی" سامے آئی۔ جیندے وچ سلام، دھمال رنگ، وطن
پیارا، نظم معری، شہریات (مظفر گڑھ، وبارٹی)، بالال کیتے، گیت رنگ، سرے،
غزلاں تے ڈوبڑے دے موضوع وند ڈٹے گئیں۔ محمد اسلم بیتلادی شاعری دا اے
گلدستہ سرائیکی شاعری وچ قابل قدر ووتھارا اے۔ کتاب دے عنوان دی مطابقت
نال بک ڈوبڑہ کجھ ایس طرحاں ہے۔

میکوں لگیا روگ اولڑا ہے اتھ میں لوبواں اتھ او لوبوے
نت بحر فراق دے ڈکھڑے بن اتھ میں روواں اتھ او رووے
ونج عشق دے تھے بن پھٹ جیرٹھے اتھ میں دھواں اتھ او دھووے
میڈی اسلم دل دی حسرت ہے جتھ میں ہواں اتھ او ہووے
نوجوان سرائیکی لکھاری شکیل پٹانی دے شعری مجموعے "اکھ بے خواب
عذاب" کول ایس طرحاں بستھو بستھ گھدا گیا جو ایس سال پہلی وارجی چھاپن دے بعد
ڈوجھی واری وی شائع کرنا پیا۔ کوٹ مٹھن توں شائع تھیون والی ایس کتاب دیں
غزلیں، نظمیں تے کیتیں وچ جرتے وصال دے نال نال رجائیت، معاشرت،
ثقافت تے مزاحمت دا تذکرہ شامل اے۔ سرائیکی شاعری دی صنف "سرائیکو"
وچوں مزاحمت دے حوالے دی یک ونکی ڈیکھو۔

چُپ راتیں دے گنگے منظر، گنگ تاریں دی چھاں
وسی شام دیاں تریڈھیاں اکھیں، تریڈھے دل دے گندر
ساڈی اکھ نہ مندر

دماں دے چائیے سنجائے شاعر ریاض فاروق بزدار دا ڈوجھا مجموعہ کلام "ڈکھ
تعبیراں" سنجوک پبلی کیشنز ملتان دی طرفوں شائع تھئے۔ ریاض فاروق بزدار دی ایس
کتاب وچ جتھاں دماں دے مسئلے کول چھیڑن دی کوشش کیتی گئی اے اتھاں

مدتیں توں ڈٹھے ونجن والے ڈکھ درد توں پُر خوابیں دیاں تعبیراں لبھن دا ابروی
ایں کتاب دا حصہ اے۔ "ڈکھ تعبیراں" وچوں وی سراٹیکو دا بک وکھرا رنگ
ڈیہدے ہئیں:

ہنی، بیٹ، سمبا ہن جاہیں جنتے دید کرے
گرتیں ساری رہن گزر گئی نال کرہ دے گاندھا
• سگ گئی ون ہن ڈھانڈھا

سراٹیکو دے جگ مشہور استاد شاعر احمد خان طارق دے مہاندرے شاگرد
فیض فریدی دی کتاب "بیٹ تے بیلا" وچ نظم، غزل، کافی، گیت، قطع، ڈوہڑہ
تے سراٹیکو دیاں صنفاں کوں شامل کیتا گئے۔ فیض فریدی دی روایتی شاعری وچ
ٹھیک لفظیں دا سوہنا ورتار تے وسیب توں گھدیاں ہویاں علامتاں جدیدیت والے
پاسے بک مناسب قدم ہے۔ کلام دے نمونے کیتے غزل دا بک شعر اے۔

میڈے سینگیں دے سرتے اج نویاں ہن چوٹوایاں چنیاں
میں وی رنگریز توں بوچھن رنگاواں اج دے سجد اپنا
رہے قائم دین (خوشاب) دے شاعر محمد اقبال قریشی دا مجموعہ کلام "مٹھیاں
سنگتاں" ایں سال سامنے آیا۔ اوئیں تاں ایں کتاب وچ نظماں، غزلاں، قطعے تے
ڈوہڑے وی پاتے ویندن پر ایں کتاب وچ شامل "گیت" اقبال قریشی دی سناہن
ہن۔ انہیں گیتیں وچ تھل تے ملتان دا ثقافتی رنگ واضح نظر آندے۔ اقبال
قریشی دے انہیں گیتیں وچوں کجھ گیت ریڈیو پاکستان ملتان دے ریکارڈ کیتے گئے
فنکاریں دے گیتیں وچ شامل ہوون دے نال نال خاصے مقبول وی ہن۔ محمد اقبال
قریشی دے بک گیت دے بول کجھ ایں طرحاں ہن۔

پیا	ٹھاندا	ہے	جوڑا	غلابی
وے	ماہی	تیدپی	خیر	ہووے
لنگی	جھنگ	دی	کھہ	خوشابی
وے	ماہی	تیدپی	خیر	ہووے

دیرہ غازی خان دے مہاندرے تے بزرگ شاعر غلام حسین زائر دا مجموعہ کلام
 "تتے تاء" روایتی شاعری دا ہوں سوہنا ودھارا اے جیندے وچ تصوف دارنگ
 سب توں اچیرا نظر آندے۔

غلام حسین زائر دے کلام وچوں نمونے کیتے غزل دا یک چوٹواں شعر۔
 کیویں تانگھاں، کیویں طلباں، کیویں سنے سکاں ہوندین
 ایں وضاحت دے کیتے درکار ہونووں توں تے میں
 ملتان دے یک بزرگ شاعر ملک اقبال حسن بھلا دا شعری مجموعہ "کچے
 دھاگے" دے ماں نال چھپیا۔ ملک اقبال حسن بھلا دی غزل ہووے، کافی ہووے،
 نظم ہووے یا ڈوہڑہ قطعہ، ہر صنف وچ معاشرتی اُچ جگ تے وسینی قدراں دی
 اہمیت کوں سامنے رکھن دی کوشش کیتی ویندی اے۔ "کچے دھاگے" دی یک
 غزل دے ڈو شعر پڑھن دے ڈاڈے ہن۔

وسدی جھوک تے وسن والا توں کیا جانیں مونجھ
 تانگہ دی سولی کیویں چڑھدن گن گن تارے لوک
 گور دے منہ وچ دھوڑ ہمیشاں ساڈا ہے ایمان
 دنیا کوں نت لیندن ڈیکھاں کیویں لارے لوک

بہاولپور دے حاجی مرید حسین انصاف دی شعری کتاب "دیوان انصاف"
 وچ سدس، نظم، غزل، ڈوہڑہ تے قطعہ تیں طبع آزمائی کیتی گئی اے۔ مرید حسین
 انصاف دے مجموعے وچ مذہبی عنصر واضح نظر آندے۔ انہیں دے کلام وچوں
 یک قطعہ ڈیہدے ہن۔

میڈی سیت میں توں اینجھی گئی ہے رُٹھی
 مریندا ہاں سدھی تے پمدی ہے پسھی
 بُن معافی مگدا ہاں انصاف رب توں
 میگوں ڈکھیں دروین توں ڈیوے چا جھٹی
 ضلع مظفر گڑھ دے شاعر اقبال وارث دی شعری تخلیق "اُڈردی دھوڑ" شائع

کیتی گئی۔ ایس کتاب وچ تھل دی ثقافت، لوک داستانیں وچوں خاص طور تیں سسی
دا حوالہ تے معاشرے دے جھک اُچ کوں واضح کرن دی کوشش کیتی گئی اے۔
وسیدی حوالے دی بک نظم "جَت" وچوں بک بند کجھ ایس طرحاں پیش کیتا گئے۔

وچ اندھارے گولے رس وچ کوباڑی گولے
ٹیبک نال تماخوں پدھے ڈبی پاوے چولے
جھڑ، مینہ، ڈکھن، وا دے بھاویں چلن جھکڑ جھولے
ڈاکھنڑیں گاوے، پندھ رچاوے نال لٹھاؤ دے اولے

بھاویں آون دھوڑے دھاپے بسر نہ منڈھوں سٹے جت
اوکھی سوکھی نت نبھاوے مونہ نہ اصلوں وٹے جت

اقبال وارث دی ایس کتاب "اڈردی دھوڑ" دے چھیکڑ وچ بک پے شاعر عباس
مخلص دے ڈوہڑے وی رلاڈتے گئیں۔ جنہیں وچوں بک ڈوہڑہ نمونے کیتے پیش
کیتا ویندے۔

پاپیت دھنی پائل نچ ڈیکھوں متاں کھیں حیلے دلدار سُنے
لکھی تھی آوے کائنات یکی ایہو چرچہ ہر حُب دار سُنے
اوندی پیت دے گھنگھرو ایس چھنڑ کن اُروار نچوں او پار سُنے
پاپائلاں مخلص رقص کروں سئیں عرش تے بہر چھنڑکار سُنے

دماں دے واسی تے شاعری دے ہر حوالے دے مہاندرے شاعر مصطفیٰ خادم دی
ڈوہڑیں تے قطعیں کوں رلا کے چپائی گئی کتاب "بھانج" وچ چوٹوں ڈوہڑے تے
قطعے پیش کیتے گئیں۔ مصطفیٰ خادم دے ایس کلام وچ منظر نگاری تے تصویر کشی دا
دکھارنگ نظر آندے۔ مصطفیٰ خادم دے مشہور ڈوہڑیں وچ اے ڈوہڑہ پورے
وسیب وچ خاص طور تیں سجاتا ویندے۔

کیا عرض کروں کیا پندے بئیں بھلا پنوں کیا اساں پندھ کرنے
تیدھے رُخ انور دے وانگ سخی بے گال صفا اساں پندھ کرنے

نہ حال پرستی گھن کوئی نہ رات بکا اسان پندھ کرنے
 ساڈا پندھ ہے خادم پیریں دا ساکوں پیر جھا اسان پندھ کرنے
 روبی دے جاییے سنجائیے شاعر قاصر احمد پوری دیاں کتاباں "ٹوبھے تار
 ستاراں" تے "وٹھڑی روبی" وچ ڈٹی گئی وسیب دی بھرویں عکاسی دے بعد ایس
 سال ترتیبھی، چوتھی تے پنہویں کتاب "قطعاتِ قاصر"، "میں مُٹھڑی" تے "واٹ
 نہاراں" سامنے آئیں۔ قاصر احمد پوری دے ۱۹۹۷ء وچ آون والے تریے مجموعے
 خلوص، صداقت تے حقیقت دا واضح اظہار ڈسدن۔ قاصر احمد پوری دے کلام دا
 اندازہ ایس شعر توں لایا ونج سکدے۔

ڈکھڑے ولھیٹ گئے ہن خوشیاں سمیٹ گئے ہن
 گھرومی میکوں بے کھاندا جے توڑیں توں نہ آنویں

فیرہ غازی خاں: سیئے منائے شاعر ساقی سمینوی دا ترجمان مجموعہ کلام "بے
 خواب نندراں" ایس سال چھپ کے سامنے آئے۔ ایس روایتی مجموعے دیں نظمیں،
 غزلیں، کیتیں، ڈوہڑیں تے قطعیں وچ شوخی، بیباکی تے جوش دے عناصر واضح
 ڈسدن، ساقی سمینوی دا اے مشہور قطعہ سبق آموز وی ہے تے شوخی دابک وکھرا
 رنگ وی ہے۔

زخم کہیں دے سیون سکھ
 پیار دی مے کول پیون سکھ
 آپنی خاطر ہر دم جیندیں
 بے دی خاطر جیون سکھ

ساقی سمینوی دے شاگرد الطاف حسین جابر دا مجموعہ کلام "بھنی ونگ" وی
 ایس سال سامنے آئے۔ جیندے وچ نظماں، قطعے تے ڈوہڑے شامل ہن۔ روایتی
 انداز دی ایس شاعری وچوں کتاب دے ناں دی مطابقت دابک قطعہ کجھ ایس طرحاں
 ہے۔

میں ہاں روندیں روندیں رچدی

چنی سر تیں محض نہیں سجدی

تیدڑا جابر آسرا ہوندا

میدھے ہتھ دی ونگ نہ بھجھدی

ابنِ کلیم احسن نظامی پالیں کیتے نعتیں تے نظمیں دی کتاب "نویاں سوچ
آہراں" سامنے آندی اے۔ ایس کتاب وچ سرانیکی دے علاوہ پنجابی تے اردو
شاعری وی شامل اے۔ "نصیحت دیاں گالھیں" دے عنوان نال ڈتے گئے قطعیں
وچوں ہک قطعہ کجھ ایس طرحاں اے۔

وڈیاں دا جے ادب کریوں

ایندا جگ تے پھل وی پیوں

جے قدر کیتا استادان دا

علم دے دولت مند سڈیوں

دلچسپ سرانیکی سنگت جندوپیر کمال لیاقت پور دی طرفوں شہباز سید دی
کتاب "دل دے سودے" شائع تھی۔ ڈوہڑے، قطعے، غزلاں، کافیاں، گیت ایس
کتاب دی سنجان ہن۔ انسان دیں خواہشیں، حسرتیں تے ارمانیں دے کٹھا تھیون
نال اے کلام درد انگیز بن گئے۔ جیویں جوہک گیت وچ آکھیا گئے۔

سیت تے ستارے والی پوتھی کھول سیں

کڈاں آسی میدھے گھر میدھا ڈھول سیں

در ملیم پیراں تے فقیراں جوسی آ

پٹھیاں تھیاں ہن کیوں تقدیراں جوسی آ

ایس بزم دی طرفوں چھپن والی عبداللہ ساحد عمر کوٹی دی کتاب "رت دے
نیر" وچ غم جاناں تے غم دوراں دیاں تلخیاں پاتیاں ویندیں۔ فرید سرانیکی سنگت
دیرہ غازی خان دی طرفوں چھپن والی نواز خوشدل دی شعری تصنیف "ڈکھ دے
پندھ" وچ کلاسیکی شعرگی روایتاں موجود ہن۔ ڈاکٹر الفت بلوچ دے مجموعے "پیار
دا پاندھی" اتے بزرگ شاعر رمضان راسی دی کتاب "سنجان" دے ایس سال چھپن

بارے وی پتہ لگے۔

جے تک شعری کتابچے سامنے آؤں دا تعلق اے تاں مختلف ادبی تنظیمیں دی طرفوں وقتاً فوقتاً کئی کتابچے ایس سال پہلی واری شائع تھیں جنہیں وچوں نمونے دے طور تیں کجھ دے ناں ایس طرحاں گنواے وچ سگدن۔ جیویں جو شارتاں / پیریں ڈتہ ناظر، ڈکھ سمجھ دے / اشیر بلوچ، عشق دا گوگھا / محمد جمیل بیدل، پنی / جند وڈہ منوم، وسدنی روہی / حیات ملتان، شعلہ / محمد اجمل شہزاد، بہراز دے ڈوہڑے / آریاض احمد بہراز، کلیے دا غم / سجاد بلوچ، بے رنگ دی صلاح / محمد یار بے رنگ، تیز رو دا حادثہ / محمد یار بے رنگ اتے ہک کتابچے وچ چھپیاں ہویاں ڈو نظماں "چچہ" تے "آپ سچا نو" / اشیر ابن بے رنگ وغیرہ۔

۱۹۹۷ء وچ مرتب کیتیں وچن والیں شعری کتابیں وچوں احسان اعوان دی ترتیب ڈتی کتاب "شاکار ڈوہڑے" ملتان توں شائع کیتی گئی۔ جیندے وچ زیادہ تر اتجھے ڈوہڑے پاتے ویندن جیڑھے عطا اللہ عیسیٰ خیلوی مختلف موقعیں تیں گاون اچ ورتیں۔ عیسیٰ خیل دے خالق داد ناطق نیازی دا ہک مشور ڈوہڑہ جیڑھا ڈھیر بارے لوکیں کول زبانی یاد اے۔

جند مک گئی اتے بحر نہ چھوڑا میکوں قبر دے وینداں توڑی
لوکاں دفن کیتا میڈا زخمی تن تھی پئی اے قبر وی سوڑی
بحر تے میں وچ قبر دے باہ گئے واہ سنگت رب نے جوڑی
ناطق نول سب دنیا بھل گئی بھلا بحر نے سنگت نہ چھوڑی
احسن فریدی دی مرتب کیتی کتاب "ساڈی عید نہ تھئی" وچ عید دے حوالے دے ڈوہڑے پاتے ویندن۔ سلیمان برادرز ملتان دے طرفوں قادر ملغانی "سبقت دے ڈوہڑے" دے ناں نال مشتاق سبقت دے ڈوہڑے ترتیب ڈتے۔ احمد پور شرقیہ توں "متاع بے بہا" دے ناں نال تنویر سمر مختلف کلام ترتیب ڈتا جیڑھا انجم لاشاری دی یاد وچ لکھیا گئے۔ چتھاں ہر سال پہلی واری سرا نیکی شعری کتابیں دے ڈھک ڈیکھن وچ آندن اتھاں نویں ایڈیشن دے طور

تیس وی کئی کتاباں سائے آندیاں رہ ویندیں۔ سرائیکی ادبی مجلس بہاولپور دی طرفوں صادق بشیر دی تالیف کیتی گئی کتاب "رت دیاں جہنموں" کول ترجمہ واری شائع کیتا گئے۔ ایس کتاب وچ مختلف شاعریں دابک بک صفحے و اعارف تے چوٹواں کلام پیش کیتا گئے انہیں شاعریں وچ عبدالکریم دلشاد، جانباز جتوئی، فیض محمد دلپس، سفیر لشاری، عاصم اچوی، رسول بخش حافظ، نقوی احمد پوری، محمد نواز خوشتر، شوخ ریاستی، صدیق طاہر، حسین علی شاہ جسرت، حسین بخش نادم، ڈاکٹر محمد خان بابر، جام بخت علی مسرور، گل محمد شاہ گل، سرور کر بلانی، اقبال سوکڑی، محمد رمضان طالب، مہمور بخاری، پنوں زادہ شاد، اللہ ڈیوایا مجلس، نسیم ملک، پیر بخش بھنور، محمد قاسم سمیم، رشید عثمانی، محمد یار دل بخت، جام ریاض احمد ریاض، سعید احمد شاہ دلگیر تے صادق بشیر صادق دے ناں شامل ہن۔ مہاندرے سرائیکی شاعران دے کلام بارے اے کتاب ایس گالھوں اہمیت رکھدی اے جو انہیں وچوں ڈھیر سارے شاعران دے مجموعے نہ چھپن دئی وجہ توں انہاں دا کلام ملن وچ نہیں آندا۔ این محفوظ کیتی گئی شاعری وچوں سفیر لشاری دے کلام دا نمونہ جیرٹھا کتاب دے عنوان نال وی مطابقت رکھدے۔

دیدال	لگیاں	بھول	بھلا نویں
ہن	وت	گل	گلانویں
دشمن	آپے	تھیں	پچھانویں
ہرویلے	ہے	دل	دلگیر
ہاں	وچ	کھادم	عشق دا تیر
اکھیاں	روون	رت	دے نیر

قیس فریدی دا برتب کیتا "دیوان فرید"، شا کر دے ڈوہڑے اشاکر شجاع آبادی، ارشد دے ڈوہڑے / امان اللہ ارشد، سیفل دے ڈوہڑے / سیف اللہ سیفل، دلپس دے ڈوہڑے / فیض محمد دلپس، ٹھر کی مزاج / شہزادہ آصف، طارق دے ڈوہڑے / احمد خان طارق، نازش دے ڈوہڑے / نجیب اللہ نازش، آزاد

شاہ دے ڈوہڑے / آزاد شاہ، فریدی ڈوہڑے / مرتبہ: احسان اعوان تے سلیمان
برادرزمتان دی طرفوں ترتیب ڈتے گئے "خواجہ فرید دے ڈوہڑے" کوں وی
ایں سال نویں ایڈیشن دے طور تیں چھپن والیں کتابیں وچ گنیا وچ سگدے۔
ایویں کئی کتابچے وی نویں ایڈیشن دے حوالے نال چھاپے گئے جیویں جوڈال دا
نوکر / شوکت بھٹی، آصف دے ڈوہڑے / شہزادہ آصف، دلشاد بلوچ دے
ڈوہڑے / دلشاد بلوچ، گھوٹ کنوار / دلنور نور پوری، ڈوجھی شادی / دلنور نور پوری،
س نوہ دا جھیرا / موجی، کاشی دے ڈوہڑے / ریاض کاشی تے وچھوڑا / دلکش
اناموی مہروی وغیرہ دا حوالہ ڈتا وچ سگدے۔

کتابی شکل وچ چھپ کے سامنے آون والی شاعری دے علاوہ اخباریں تے
رسالیں وچ چھپن والی شاعری دے نمونے پڑھن والیں دی دلچسپی سانگے پیش کیتے
ویندن۔

ماہنامہ "فرید رنگ" وچ شائع تھیون والا محمد رمضان طالب و احمدیہ شعر:

زندگی بے شک تیدا احسان بے
موت وی تیدا اٹل بے فیصلہ

شفقت بزدار دی اے سراسیمہ ڈنڈوار "جھوک" ملتان وچ شائع تھی۔

جتیں بولی وچ ماء مر کھڑی ہندی رہ گئی لولی

اوں بولی دا شان گھٹیندیں مردا نہیں مروان

ماء دا نافرمان

ہفت روزہ "المنظور" تونسہ وچ احمد خان طارق دا اے ڈوہڑا چھپیا۔

آ چال چنور دے نام سداوے سداوے سداوے متاں مال ولے

کر جھوک وسوں وسوں وان اندر، در بجان وساں متاں مال ولے

توں و بھلی پھوک میں کوک کدھاں رل شور مچاں متاں مال ولے

انہاں طارق بر تھے بجائیاں دے در کھول کھڑاں متاں مال ولے

پاکستان دی گولڈن جوبلی دے حوالے نال ڈٹا وچے تال جاوید احسن خان

دی اے لکھت نمونے دے طور تیں پیش کیتی ونج سگدی اے۔

جھر	جنگل	آباد	نظرِ دن
مال	موشی	جوہاں	چردن
سبز	چھیکوں	بان	و بان
جگج	جگج	جیوے	پاکستان

خالد اقبال جوگی فقیر دے کلام دا اے نمونہ شعبہ سرانسیکی اسلامیہ یونیورسٹی
بہار پور دی کتاب لڑی "سویل-۲" ونج شائع تھیا۔

آکھ فقیر
تیں جو ڈٹھے
اوہو لکھدا جل
کھلن والی گالھ
لوکیں ویسی کھل

ڈینھ وار "جھوک" خان پور ونج جہانگیر مخلص دا اے کلام سامنے آیا۔
اول پیو دے وی جیون دا اندازہ لاؤ جیندے
شام تھیوے تال بکھ دے ڈر توں گھر فی اندے بال
عید دی رات اساڈے ویڑھے بکھ دا جاگا ہونسی
اتے مخلص ڈیکھ ونج ہے کیوں نتیں سمے پال
ڈینھ وار "جھوک" ملتان ونج انجم لشاری دی نظم "شیشہ" چھپنی۔

کئی	کئی	واری	مونہ	دھوینداں
ول	ول	شیشہ	صاف	کرینداں
تڈ	وی	آپسی	صورت	میکوں
کو جھی	کو جھی	اُپریمی	اُپریمی	اُپریمی
اُپریمی	اُپریمی	لگدی	ہے	تال
شیشہ	کوں	بہ	لعنت	ڈینداں

مزل حسین دی اے نظم مابنامہ "سرائیکی ادب" ملتان ایچ شائع تھئی۔

خواب سارے

اتے

عذاب سارے

مجتبیں وچ ہوندن

پر

انہاں مجتبیں دا کیا کریو

جنہاں وچ عذاب تال ہوندن

خواب نہیں ہوندے

رفیق ہمراز سنجرا نی دا اے قطعہ ہفت روزہ "صدائے مخدوم" مظفر گڑھ وچ

چھپیا۔

چھوڑ نہارے جیندے پئے بہیں

بہیں بے چارے جیندے پئے بہیں

مر ہمراز کپڑا دے ویندے

ڈٹے کے لارے جیندے پئے بہیں

ہفت روزہ "سرائیکی آواز" خان پور وچ اقبال بانو دی نظم "خواہش"

چھپی۔

اووی میڈاناں گھن تے

بھرے بانواں

میں فقط ایہو چاہواں

ول خوش تھیواں

تے دھمالاں پاواں

ریاض قیصر قیصرانی دی اے نظم ہفت روزہ "نوائے تمل" لہ وچ شائع

تھئی۔

کہیں ویلے راتیں تھل تیں آ کے
چندر ابھرن دا منظر ڈیکھو
بُٹہ بُٹہ ایویں چڑھدے
جیویں بال بنبوٹے ڈیندے

ماہنامہ "روہی" کراچی وچوں امداد اللہ امداد دا اے قطعہ پڑھن والیں سانگے
پیش اے۔

کھا گئی کھڑی مرض پچھانو
اپنا اپنا فرض پچھانو
میں امداد اکھیاں ایویں
دھرتی ماء - دا قرض پچھانو

ایں سال چھپن والیں غزلیں وچوں کجھ شعریں دی چوٹ ایں طرحاں کیتی
گئی اے۔

پڑھ کے کوئی انسان جنہیں کوں بستہ اچ لنبی پا کے نکلے
اپنے او مشور نہیں سچو، اپنیاں اور تحریراں نہیں
اقبال سوکڑی (جھوک - ملتان)
بُن کجھ نہ پُچھ دھپ تیز ہے سوچن نہیں ڈیندا سو جھلا
گالیں کریوں رات دیاں قصے نہیں بھلے رات کوں
محسن نقوی (سنہڑا - بہاولپور)

ساڈا او کیویں تھی سگدے
ساڈے نال جو لٹیا کئے نی

ارشاد ملتانی (سرائیکی دنیا - دہلی)

او میڈے نزدیک رہ کے بے خبر ویندا ہے روز
سندھ جیویں نال تونے دے گزر ویندا ہے روز

شفقت بزدار (المنظور - تونسہ)

میڈی جھگی سڑ گئی دی کوئی فکر نہیں

توڑے سو جھلا تال تھیا شہر وچ

اللہ بخش یاد (جھوک - خان پور)

جھڑے دستار پیندے بن ڈساؤں تال ایندا مطلب

اگر قابل نہیں ایندے تال بندے ول وڈیرے کیوں؟

بہار النساء بہار (سرائیکی ادب - ملتان)

ازل دے خوف دے بدھے ولھیٹے

پچھاوین کولوں لنگھال ڈردے ڈردے

انور سعید انور (صدائے مخدوم - مظفر گڑھ)

تس نہیں لیکھ نصیب ساڈا زرا زور ڈڈھپ ہے

ڈاڈھا ہے کوئی پیتی ویندے روہی تھل دا پانی

ممتاز عاصم (سویل - اسلامیہ یونیورسٹی)

بال سمدن روز جیندے بکھ وی سوڑ ویرٹھ کے

رات او محفل دے وچ غزلاں سٹیندا رہ گیا

فیض بلوچ (فرید رنگ - دیرہ غازی خان)

جو دھوڑ دے سفر تے وچ کے کڈھاں نہ ولے

تبھے مسائراں دا رستہ کھڑے بھلیندوں

شیماسیال (سرائیکی آواز - خان پور)

لسانیات

کہیں وی زبان دے بارے جانچ تے پرکھن سانگے لسانیات دے علم کول
پہلی پوڑی سمجھا ویندے۔ ایس علم دا منڈھ "قاعدے" توں شروع تھیندے۔

سرائیکی زبان دے کئی قاعدے شائع تھی چکن تے مختلف قاعدے ول ول وی
چھپدے رہ ویندن خلیل احمد شودا مستوی دامر تب کیتا ہویا "سرائیکی قاعدہ" ایس
سال پہلی واری چھاپیا گئے جیندے وچ ہر اکھر (حرف) دے چھی لفظ بٹائے
گئین تے آخر وچ سرائیکی زبان دے وادھو اکھریں دیاں وکھریاں مشقاں وی شامل
کیتیاں گئین۔ ایویں مشتاق حسین کاظمی دے سرائیکی قاعدے "تعلیم الاطفال"
دے چھپن داوی پتہ لگے۔ شوکت مغل دا "سرائیکی قاعدہ" تے پیرزادہ معین الدین
قریشی دامر تب کیتا ہویا "معین العلم آسان سرائیکی اردو انگریزی قاعدہ" وی ایس
سال نویں ایڈیشن دے طور تیں سامنے آئیں۔

لسانیات دے موضوع تیں اہم کتاب "سرائیکی محاورے اور ضرب
الامثال" سیدہ انجم گیلانی دی سوہنی کوشش اے۔ ایس کتاب وچ سرائیکی اکھاٹاں
تے محاورے رلیے ہوئے ڈتے ہوئے۔ نال نال اردو ترجمہ تے کتھائیں وضاحت
سانگے سرائیکی شعر وی پیش کیتے گئین۔ ایس کتاب دے محاورے تے اکھاٹاں
حروف تہجی وی ترتیب نال مرتب کیتے گئین۔

تریمتیں وچ بولیاں و بجن والیاں اکھاٹاں تے محاورے ایس کتاب دی خاص
سجھاں ہن۔ ایس کتاب کول محاوریں تے اکھاٹیں دے حوالیں نال ڈوجھی وڈی
کتاب اکھیا وچ بنگدے۔ ایس توں پہلے انہیں ڈوبائیں موضوعیں تیں شوکت مغل
دیاں لُج لُج کتاباں سرائیکی وسیب وچ تھلکہ مچا چکیں۔ سرائیکی زبان تے اوندے
تاریخی پنڈھ دے بارے وچ عبد الحمید عتیق فکری دی معروف کتاب "العتیق
العتیق" کول ڈوجھی واری شائع تھیون دا اعزاز حاصل اے۔ علامہ عتیق فکری دی
اے کتاب سرائیکی پڑھن لکھن والیں کیتے بہوں اہم اے جیندے نایاب تھیون
دے بعد ول چھپ و بجن نال سب توں زیادہ فائدہ سرائیکی دے طالب علموں کول
تھیں۔ ایس کتاب وچ سرائیکی زبان و ادب دی قدیم تاریخ دے علاوہ گرامر وی
شامل اے۔

جے نک اخباریں تے رسالیں وچ سرائیکی لسانیات بارے لکھتیں دا تعلق

اے تال ایس حوالے دیاں کئی لکھتاں ڈسٹ وچ آسن جنہیں وچوں ڈینہ وار "جھوک"
ملتان وچ شائع تھیون والیاں لکھتاں سرائیکی زبان سرائیکی اکھریں وچ اسید ناصر
عباس رضوی، جیویں لکھو او نیں الاویا جیویں الاو او نیں لکھو (ترے قسطاں) ابدایت
کاشف، چاقو یا قاقچوں / اسید ملتانی دے علاوہ مجاہد جتوئی دی تحریر "سرائیکی محبتاں
دی زبان" دے نال گنوائے وچ سگدن۔

تحقیق

کھیں وی زبان دا ادبی پندھ کچھ سارنگے تحقیق دی ضرورت سب توں زیادہ
پوندی رہندی اے۔ بے شک تحقیق کوں کڈا میں حرف آخر نیں اکھیا وچ سگدا
پر تحقیق دے بغیر وی منزل تک اپڑن ممکن کاسی۔ کلاسیکی شاعری دے حوالے
نال رحیم طلب دی تحقیقی کتاب "اکھیا مبارک شاہ نے" ایس سال سامے آئی
جیندے وچ سرائیکی دے مہاندرے شاعر مبارک شاہ دے کلام دی گول پھول کر
کے اینکوں محفوظ کر ڈٹا گئے۔ ایس کتاب وچ مولود شریف تے بہاول خان عباسی
بارے شعری نذرانے دے علاوہ مسافر چندرپی، سی حرفی تے کافیاں شامل ہن۔
مبارک شاہ دے ایس کلام وچوں "سی حرفی" دابک بند کچھ ایس طرحاں اے۔

"ر" رت روواں ڈھکھاں تیدیاں کوں جنگل چیر پھراں راتیں کالیاں کوں
میدے پھٹ بھر دے پیر کرن ول چھیڑ نہ درد بچالیاں کوں
سبھ سینگیاں سپاں خوش وسدیاں کیا ڈوہ ڈیواں کرماں والیاں کوں
میکوں سید مبارک خبر نہ ہسی ظاہر ڈیکھ بھلی تیدے چالیاں کوں
پروفیسر سجاد حیدر پرویز دی کتاب "سرائیکی ادب نشاۃ ثانیہ کا دور: سال
۱۹۷۶ء تا ۱۹۹۵ء" بزم ثقافت ملتان دی طرفوں شائع تھی۔ جیندے وچ ہر صنف
دیں کتابیں کوں سال وار ترتیب نال گنویا گئے۔ کتاب دے چھیکڑ وچ فہرست
اسامی، فہرست ناشران کتب، تے فہرست تصانیف وی اشاریے دے طور تیں

شامل کیتیاں گئیں۔ اے کتاب سرائیکی کتابیں بارے حوالے داکم ڈبندی اے۔
حمید آفت ملغانی داسالانہ ادبی جائزہ ڈینہ وار "جھوک" ملتان وچ چھپن دے بعد
"سرائیکی ادبی سہل ۱۹۹۶ء" دے نال نال سرائیکی ادبی بورڈ ملتان دی پیشکش
دے طور تیں سامنے آئے۔ ایویں حمید آفت ملغانی دی لکھت "سرائیکی شعری
ادب ۱۹۹۶ء" ماہنامہ "سرائیکی ادب" ملتان وچ چھپی۔ سجاد حیدر پرویز دالکھیا ہویا
"۱۹۹۶ء داسرائیکی نثری ادب" ڈینہ وار "جھوک" ملتان وچ شائع تھیا۔

اسلامیہ یونیورسٹی بہاولپور دے شعبہ سرائیکی دی طرفوں شائع تھیون والی
کتاب "سویل-۲" وچ شامل ڈھیر ساریں تنقیدی لکھتیں دے نال نال حمید آفت
ملغانی دی تحقیقی تحریر "سرائیکی شعری کتاباں دی بلبو گرافی: ۱۹۸۹ء توں ۱۹۹۵ء"
دی شامل اے۔ اسلامیہ یونیورسٹی بہاولپور دے شعبہ سرائیکی دے ڈو طالبعلم
تحقیقی مقالے وی این سال لکھیں۔ اے ڈو میں مقالے سرائیکی لوک ادب دے
حوالے نال ہن۔ خادم حسین داملقالہ "ضلع لودھراں دے سرائیکی لوک گیت" تے
اعجاز احمد داملقالہ "دیوان فرید وچ لوک داستاناں" دے ناوین نال ہن۔

تنقید

ادب دی کہیں وی صنف کوں اختیار کرن توں پہلے منڈھلا علم چاہن ضروری
ہوندے۔ سرائیکی شاعری دامنڈھ بدھن بارے معلومات ڈیون والی ضخیم کتاب
"شاعری دے گر" ایں سال سامنے آئی۔ کتاب دے مولف ڈاکٹر نواز شہانوی
زبردست محنت دے بعد اے کتاب تالیف کیتی۔ بزم شعرو سخن شہانی ضلع بکھر
دی طرفوں چھپن والی ایں کتاب وچ شاعری دی اہمیت، قسماں، شعری اصطلاحاں،
علم عروض، اصناف سخن، علم بدیع، علم بیان، علم قافیہ، کلام دیاں فنی کمزوریاں
تے بحراں دی فہرست شامل کیتی گئی اے۔ ایں کتاب وچ موقعے دی مناسبت
نال ڈھیر سارے شاعریں دے شعری تنقیدی نقطہ نظر نال پیش کیتے گئیں۔ اے

کتاب دے چھیکڑ وچ انہاں شعراں دے لکھاریں دے نال وی اشاریے دے طور
تیں شامل کیلتے گئین۔

شعبہ سرانیکی اسلامیہ یونیورسٹی بہاولپور دی کتاب لڑی "سویل-۲" تنقیدی
لکھتیں دا ہک سوہنا گلدستہ ایں سال سامنے آئے۔ کتاب دے مرتب سرانیکی
شعبہ دے انچارج جاوید چانڈیو ہن۔ ایں کتاب کول چھی حصیں وچ ونڈ ڈتا گیا ہے پہلا
حصہ تاریخی حوالے دا ہے۔ جیندے وچ ڈاکٹر نصر اللہ ناصر دی تنقیدی تے تحقیقی
لکھت "سرانیکی ادب وچ اساطیری حوالے" دے علاوہ لوک ثقافت بارے ملک
عبداللہ عرفان دی لکھت "کریم ن نقلی" شامل ہن۔ ڈوجھے حصے وچ اجوکی سرانیکی
شاعری بارے لکھتاں پیش کیتیاں گئین۔ جنہیں وچ محمد اسماعیل احمدانی دی
تحریر "سرانیکی دیاں نویاں شعری روایات"، نصیر احمد ناصر دی لکھت "ترے
ماہی، سرانیکی تے سرانیکی شاعری"، اخلاق مزاری دا مضمون "ضلع رحیم یار خان
دی نویں سرانیکی شاعری" تے عبدالباسط بھٹی دی لکھت "احمد پور وچ نویں
سرانیکی شاعری" شامل ہن۔ تریجھے حصے وچ جدید شاعراں دے حوالے نال رفعت
عباس، احسن واگھا، ڈاکٹر نعیم کلاسرا، صابر چشتی تے اشوال دیاں لکھتاں
بالترتیب عزیز شاہد، نصر اللہ خان ناصر، اشوال، ارشاد تونسوی تے رفعت عباس
دی جدید شاعری دے بارے وچ ہن۔ چوتھا حصہ فریدیات دے حوالے نال ہے۔
جیندے وچ م۔ی۔ قیصرانی دی تحریر "کلام فرید وچ لفظیں دی تکرار تے
سوہنپ"، محمد اسلم بیتلادی لکھت "رسالہ الغریز تے فریدیات" اتے جاوید چانڈیو دا
مضمون "دیوان فرید وچ لوک داستاناں" شامل ہن۔ پنجویں حصے وچ لطف اللہ بدوی
دی سندھی لکھت داسرانیکی ترجمہ "روح فقیر" دے نال جاوید چانڈیو دا تھیا
ہوئے۔ چھیویں تے چھیکڑی حصے وچ تنقیدی حوالے نال شعری کتابیں دے
تعارف تے تبصرے شامل ہن۔ انہیں کتابیں وچ پریت دا ڈکھ، استاد فیض
تونسوی، دیرا سندھ کنارے، سعید اختر، متاں مال ولے، احمد خان طارق، پنیاں،
عزیز شاہد، لیرو لیر پچا نواں، اقبال سوکڑی، قیدی تخت لہور دے، عاشق بزدار،

ہا کروال اریاض قیصر قیسراٹی، پارت ا مصطفیٰ خادم، پتھر نال مگر گنیں شیٹے اڈاکٹر
ایاز احمد سہروردی، چندر چوڈی دا ا جمشید کھتر رسولپوری، کلہیپا ا اعجاز ڈیروی، پتی
وگے ہک نیں ا خالد اقبال، پلوں وچ سویرا امید ملتانی، ترے دا شہر ا سرسیال،
لاڑیاں اڈاکٹر مہر عبدالحق، سیف الملوک ا مخدوم محمد بخش، ڈکھ سنبوک ا محمد اسلم
یٹلا، گریہ دا قرض ا شفقت بزدار، قطب تارا ا نقوی احمد پوری، جیتے چنتے ا سلیم
احسن، پیلے پترا شاکر شجاع آبادی اتے بہار النساء بہار دی کتاب "چمل بل اکھیں"
شامل ہن۔

اخباریں تے رسالیں وچ تنقیدی مضامین دا سلسلہ سب توں زیادہ ردارہ
ویندے کئی واری تاں تنقیدی لکھتیں دا سلسلہ اتنا رُردے جو اے سلسلہ تنقید توں
بٹ کے ذاتیات تک اپڑ ویندے اتے ایس طرحاں کئی جوابی سلسلے وی ر نکلدن۔
بے شک ایہو جھنیں کئی سلسلے ایس سال وچ رُردے رہیں پر انہیں کول ہک پاسے
رکھ کے ڈٹھا ونجے تاں تنقیدی مضامین سب توں زیادہ سرانیکی زبان دے نویکے
اخبار ڈینہ وار "جھوک" وچ چھپدے رہ گئیں۔ جنہیں وچ محمد اسماعیل احمدانی دیاں
لکھتاں خمیہ خاں احمدانی، رسولپور احمدانی دے ترے وڈے شاعر، رسولپور
احمدانی دے معاصر شعرا، رسولپور احمدانی دا پہلا نشر نگار مولوی محمد موسیٰ احمدانی،
تحریک احیائے سرانیکی وچ رسولپور احمدانی دا موہری فرد (پنڈت) واحد بخش خاں
بلوچ واحد خلیل جبران دا فکر و فن، شوکت مغل سرانیکی لسانیات دا معتبر ناں
تے انجم لشاری سرانیکی تحریک دا مخلص کارکن دے ناں خاص طور تیں گنوائے وچ
سگدن۔ انہیں دے علاوہ انجم لشاری دے حوالے نال غلام یسین فخری، عبدالباسط
بھٹی، محمد اسلم رسولپوری، اختر شاکر ملک تے محمد منور سراج دیاں لکھتاں وی
"جھوک" وچ چھپیاں۔ سئیں دلشاد کلانچوی دی یاد وچ جمشید کلانچوی، نور تھہیم تے
محمد سلیم نیازی دیاں تحریراں شائع تھیاں۔ استاد خادم ملک ملتانی دے حوالے نال
فدالمستانی، ضیا مصطفیٰ ترک مہروی تے حمید الفت ملتانی دیاں لکھتاں ڈینہ وار "جھوک"
ملتان دے علاوہ ماہنامہ "فرید رنگ" دیرہ غازی خان وچ وی شائع تھیاں۔ بے کئی

لکھاریں بارے تنقیدی لکھتیں وچوں قصہ قصولی ملک عبد اللہ عرفان / عبد الباط
بھٹی، قیس فریدی سرانیکی غزل دا موجد / مہر اختر جام، عظیم شاعر شاکر شجاع
آبادی / امان اللہ ارشد یار / دایار شفیق / آصف / فیض بلوچ، قلندر صفت شاعر سرور
کر بلانی / عاشق بزدار، سرانیکیاں دا ہمدرد سئیں منو بجائی / محمد منور سراج، رانا بخت
علی بخت المعروف بخت سئیں / ایم۔ اے۔ پروانہ، سفیر لاشاری / سرانیکی شاعری دا
مرزا غالب / محمد سلیم نیازی، شاکر دی شاعرانہ مصوری / رحیم طلب، مولوی احمد
بخش مرالی دی شخصیت / غلام مصطفیٰ عاصی، ہرفن مولا شخصیت بشیر احمد دیوانہ /
منور ضیاء قادری، نامور تے عظیم سرانیکی شاعر سفیر لاشاری / محمد منور سراج،
نقوی احمد پوری مرحوم اردو تے سرانیکی شاعری دا بادشاہ / محمد سلیم خان نیازی،
دھرتی دا مجاہد مجاہد جتوئی / سراج احمد سانول، شفقت بزدار دا قومیتی شعور / منزل
حسین، احمد بخش دلنور سرانیکی زبان تے ادب دا مجاہد / آصف رحمن، فریاد بیرومی
تس تول ذات دے محشر تئیں / محبوب حسین تابش، ہوا وچ اڈرن والا سچے جذبیاں
دا شاعر سئیں رشید قیصرانی / پروفیسر محسن احسان (ترجمہ: اے ڈی سمینوی)،
سرانیکی زبان دی ممتاز شاعرہ سئیں شامین ڈیروی / اے ڈی سمینوی، کھرے
جذبیاں دا شاعر رحیم طلب / فیضی بہاولپوری، عاشق بزدار یک باغی شاعر / تاج محمد
گوپانگ، سچا سرانیکی اسلم رسولپوری / سجاد رحمانی تے "ڈاکٹر طاہر تونسوی دی
لکھت" جہانگیر مخلص پندھڑو دا کھراتے جاگدا لکھاری "کول ڈینہ وار" جھوک "وچ
شائع کیتا گیا۔ سجاد حیدر پرویزی تنقیدی تحریر "سرانیکی نثر وچ سیرت نبوی"
کول وی ڈینہ وار "جھوک" وچ چھاپیا گیا۔ ماہنامہ "سرانیکی ادب" ملتان دے حوالے
نال تنقیدی لکھتیں وچوں ڈاکٹر طاہر تونسوی دی لکھت "قاسم جلال یک کامیاب
مترجم" منزل حسین دی تحریر شفقت بزدار دا قومیتی شعور، پروفیسر غفار بابر دا
مضمون "چھل بل اکھیں دی شاعرہ بہار النساء بہار"، شوکت مغل دی تحریر "حبیب
فائق سرانیکی دا چھپیار ستم" تے حمید الفت ملغانی دی لکھت "ماضی تے مستقبل دی
ادبی آواز دا گاندھا: محمد منیر الدین تمنا" دے نال گنوائے وچ سگدن۔ ماہنامہ "فرید

رنگ "دیرہ غازی خان وچ محمد اسماعیل احمدانی دی تحریر "حاجی حمید اللہ خان ساقی احمدانی"، اعجاز ڈیروی دی لکھت "اخلاق احمد سعید مرحوم" صدیق لاشاری دی تحریر ساقی سمینوی تے صابر حسین صابر دی لکھت "طارق دی غزل تے فلسفہ" کول وی تنقیدی لکھتیں وچ رالیا ونج سگدے۔

مختلف کتابیں بارے تاثر، تعارف تے تبصرے وی شائع تھیندے رہ وندن۔ ۱۹۹۷ء وچ جیہڑے تبصرے یا تعارف شائع تھیں انہیں وچوں ڈینہ وار "جھوک" ملتان وچ پروفیسر سجاد حیدر پرویز دی کتاب "سرائیکی ادب ٹور تے پنڈھ" دے حوالے نال نواز جاوید، قاضی جاوید، شفقت تنویر مرزا تے محمد اسماعیل احمدانی دین لکھتیں دے علاوہ رحیم طلب دیاں مرتب کیتیاں آراء شامل بن۔ شکیل پٹانی دی کتاب "اکھ بے خواب عذاب" دے حوالے نال محمد اسماعیل احمدانی تے قیس فریدی دیاں تحریراں ڈینہ وار "جھوک" وچ اتے رمضان طالب دی لکھت بابنامہ "فرید رنگ" دیرہ غازی خان وچ شامل اے۔ پٹیال / عزیز شاہد، بنج کٹی / مصطفیٰ خادم، سی و گے بک / نئیں / خالد اقبال، ریت کریت / انجینئر مدثر احمد، پرکھ / صادق تھیم تے غریب کر بلا / ازوار / سلیم نصرت بارے نواز جاوید دی کٹھی لکھت ڈینہ وار "جھوک" وچ چھپی۔ ڈینہ وار "جھوک" ملتان وچ سرائیکی دی ڈو جھی کتاب / راہی گبول دے بارے برکت مزاری تے سجاد رحمانی، پرہ / باکھ / اہانگیر قحط دے بارے صادق جنید نبوت تے اقبال منیر ملک، بیٹ تے بیلا / فیض فریدی دے بارے حسنین رضا، ریت کریت / انجینئر مدثر احمد دے بارے محمد اسلم رسولپوری، رشید احمد ملغانی تے فدا ملتان، کلر کی / محبوب جھنگوی دے بارے سجاد رحمانی، سرائیکی دی پہلی کتاب / راہی گبول دے بارے ایم۔ اے پروانہ، خواجہ فرید اوران کا خاندان / طاہر محمود کوہیجہ دے بارے رحیم طلب، گلشن سرکار / محمد اسلم بیٹلا دے بارے فیض بلوچ، شاعری دے گرا / محمد نواز شہانوی دے بارے اللہ بخش بھٹی، کلہیپا / اعجاز ڈیروی دے بارے سجاد رحمانی، میڈا دل آبدے / فقیر عبدالرحمن اختر دے بارے فیض بلوچ، بیٹ تے بیلا / فیض فریدی

بارے ناصر عباس تے گوتم نال جھیرٹا / اشولال بارے وی ناصر عباس دیاں لکھتاں شامل ہن۔ ماہنامہ "سرائیکی ادب" ملتان وچ طاہر محمود کوہجہ دی کتاب خواجہ فرید اور ان کا خاندان دے بارے وچ عمر علی خان بلوچ۔ رحیم طلب تے ڈاکٹر شہزاد قیصر دے تبصرے عبدالحکیم ملک دی تصنیف "منثور قرآن" دے حوالے نال قاسم سیال دا تجزیہ، گلشن سرکار / محمد اسلم میتلا دے بارے وچ فیض بلوچ دا جائزہ تے موٹرکار / محبوب جھنگوی دے بارے وچ محمد اسماعیل احمدانی دا تعارف شائع کیتے گئے۔ ماہنامہ "فرید رنگ" دیرہ غازی خان وچ خواجہ عاقل محمد جوگی / محمد ہاشم شیر خان بارے غضنفر قیصرانی دا تبصرہ تے جھریٹاں / محمد رمضان طالب دے بارے امتیاز بلوچ دا تجزیہ شائع تھئے۔ ہفت روزہ "سرائیکی کٹو" دیرہ غازی خان وچ احمد خان طارق دی کتاب "بتال مال ولے" دے حوالے نال اعجاز ڈیروی دی لکھت شائع کیتی گئی۔

ناول

پچھلے کئی سالیں توں اقبال بانو دے ناول "سانول موڑ مہاراں" دے چھپن دی وونت تھیندی پئی ہئی۔ آخر اے وونت حقیقت وچ بدل گئی اے تے اقبال بانو دا ناول "سانول موڑ مہاراں" اشاعت دے مراحل توں لنگھ گئے۔ ۱۹۹۷ء دے اوائل وچ چھپن والے ایس ناول کوں تریستاویں ادب دا پہلا سرائیکی ناول آکھیا وچ سگدے۔ لنگڑیال پبلشرز چک نمبر ۵۸ کے بی رتہ ٹپہ وبارٹی توں شائع تھیون والا اے ناول پہلے ماہنامہ "سرائیکی ادب" ملتان وچ قسط وار چھپدارہ گئے۔ ایس ناول ایچ پاتی و نچن والی پیست پریت دی کہانی وچ دیہات دا ماحول، پہاچ دا کردار، جوان تے تریست دا نباہ، پالیں دی خواہش تے جاگیرداری نظام دے بارے وچ بہوں کجھ ملدے۔ ایس ناول وچ مرد دی حاکمیت دا جیندا جاگدا ثبوت وی پیش کیتا گئے ایس ثبوت دے حوالے نال اے سب کجھ کتنے سادہ تے عام فہم زبان وچ آکھ دتا گئے۔

"اے سوچ جو مرد ڈو جھی توں بعد ترتیجی شادی کر سگدا ہے تاں او چوتھی دی زلفاں دے وچ پناہ گھن سگدا ہے۔ کوئی نہ کوئی بہانہ کر کے مرد دے دل وچ اے گالہ آونجے جو اوں شادی کرنی اے تاں ول اوکوں کوئی ننیں روک سگدا۔ اُنویں وی مرد آزاد پسچھی ہے جتھاں چاہندے آشیانہ بنا گھندا ہے اتھوں دل بھریج وچے تاں ول بستی جاہ تے چلاوہند ہے۔ بھلا مرد کوں وی کہیں قید کیتا؟ اے تاں مرد دا قانون ہے جو او تربیت کوں قید کر سگدا ہے آپنی مرضی دا پابند بنا ڈیندا ہے۔ آپنی خواہشاں دے موجب تربیت کوں ڈھال گھندا ہے۔ اچ تائیں کوئی تربیت اے دعویٰ ننیں کر سگدی جو اوں نے آپنے مرد کوں آپنی پسند دے مطابق ڈھال گھدا ہے۔"

(سانول مونڑ مہاراج: صفحہ ۱۰۴)

افسانہ

سرائیکی ادب دی افسانہ نگاری وچ تربیتیں بھرواں حصہ گھنندیاں پین۔ سلیمان اکیڈمی دیرہ غازی خان دی طرفوں بشری قریشی دا افسانوی مجموعہ "پریت" ایس سال شائع تھئے جیندے وچ پاتے وچن والے افسانیں وچ محب تے محبوب، شرم تے حیا، رسماں ریتاں، سماجی قدراں تے خاص طور تیں تربیتیں دے مسئلے واضح طور تیں سامنے گھن آون دی کوشش کیتی گئی اے۔ افسانیں وچ ورتی وچن والی زبان سادھی سادھی اے جینکوں سرائیکی نال تھوڑی جھنیں رغبت رکھن والا وی آسانی نال پڑھ سگدے۔ اکثر افسانیں دا انجام طریہ اے اتے المیہ انجام والے افسانے وی ایس طرحاں مکاوں دی کوشش کیتی گئی اے جو اوں رنج، الم تے دکھ وچ وی اُمید دی لاٹ ضرور ڈس دی اے۔

سانول سرائیکی ادبی اکیڈمی بھونگ شریف دی طرفوں راہی گبول دی سرائیکی افسانیں دی کتاب "ڈکھیں وات" سامنے آئی۔ ایس کتاب وچ شامل

افسانیں وچوں زیادہ تر دے موضوع دھرتی نال گنڈھیے ہوئیں۔ جنہیں وچ وسیب دے ڈکھ درد تے محروم دے نال نال خوشیں دی گول پھول دا ڈھالاوی ڈسایا گئے۔ ایس کتاب وچ کوشش کیتی گئی اے جو افسانیں کول درگھا کرن دی بجائے مختصر انداز وچ موضوع نال انصاف ورتیا ونجے۔

اخباریں تے رسالیں وچ شائع تھیون والے افسانیں وچوں راہی گبول دے افسانے پردیس پیادے ڈکھ، نکھرے مل گئے، چھورا ہال، اتے چوریں تے مور، بشرمی قریشی دا افسانہ "ریت کریت"، مرید حسین اشک دا افسانہ "پیار دے پھل"، حلیم محمد الطاف حسین صادر دا افسانہ "پلے خاں تے بھلے خاں"، فیض بلوچ دا افسانہ "لومڑی نہ بٹ شیریں"، اللہ بخش یاد دا افسانچہ "مینہان" تے سراج احمد باغ دا افسانچہ "بھونگا گھنوروی ڈیو" ڈینہ وار "جھوک" ملتان وچ شائع تھیں۔ فیض بلوچ دا افسانہ "میں موت دا فرشتہ"، زبیر رانا دا افسانہ "ٹھپے" تے بتول رحمانی دا افسانہ "بے سمت ذہانت" ماہنامہ "سرائیکی ادب" ملتان وچ شائع تھیں۔ بہت روزہ "صدائے مخدوم" مظفر گڑھ وچ محمد رمضان کک دا افسانہ "عزت دار لوک" تے سیف اللہ خان قیصرانی دا افسانہ "آجڑی" چھاپے گئے۔ اسلم قریشی دا افسانہ "کال کال کال" ماہنامہ "سنہرا" واہی حسین بہاولپور وچ ڈسٹ وچ آیا۔

ڈرامہ

ایس سال بیشک سرائیکی ڈرامے دی کوئی کتاب سامنے نہیں آئی پر ریڈیو، ٹی وی تے سٹیج دے علاوہ ویڈیو کیسٹ دے طور تیں وی ڈرامہ سامنے آئے۔ ریڈیو پاکستان ملتان، بہاولپور تے ڈیرہ اسماعیل خان توں وقتاً فوقتاً سرائیکی ڈرامے نشر تھیندے رہ گئیں۔ پاکستان ٹیلی ویژن لاہور دے پروگرام رت رنگیلٹی وچ وی مہینے دے بعد کوئی نہ کوئی ڈرامہ ڈسٹ وچ آویندا ہا۔ سٹیج دے حوالے نال سرائیکی وسیب دے ثقافتی میلے وچ وی ڈرامے پیش تھیندے رہ گئیں پر نیوی

فلیٹ کلب کراچی وچ منیر تاج دا لکھیا ہویا مزاحیہ ڈرامہ "آپنے آپنے ہوندن" اگست وچ پیش کیتا گیا۔ ایندے علاوہ ۱۹۹۶ء وچ سٹیج کیتا گیا ظہور اے ملک دا سٹیج ڈرامہ "گورے خاب" ۱۹۹۷ء وچ ویڈیو کیسٹ وچ پیش کیتا گئے جیندی وجہ توں ایس سال اے ڈرامہ پورے وسیب وچ کھنڈ پگئے۔ انہیں ڈوبائیں ڈرامیں کوں پیش کرن بارے مابنامہ "روہی" کراچی دے ایڈیٹر غفور ملک دی بھج درک داد دے قابل اے۔

خاکہ

غلام حسین ساجد دی پنجابی کتاب "مہاندرے" وچ سرانیکی لکھاریں وچوں - ڈاکٹر طاہر تونسوی، شوکت مغل، عامر فہیم تے غلام حیدر مستانہ دے خاکے وی شامل ہن۔ ڈینہ وار "جھوک" ملتان وچ حیدر قریشی (جرمنی) دے لکھیتے ہوئے فیض احمد فیض تے مرزا ادیب دے خاکے ایس سال شائع تھئے۔

انشائیہ

انشائیہ دی صنف وچ ایس سال پہوں گھٹ لکھیا ویند ارہ گئے۔ نمونے دے طور تیں ڈینہ وار "جھوک" ملتان وچ محمد اسلم بیتلا دے انشائیہ الیکشن، ٹیلی فون، ٹیلی ویژن، کار تے کرایہ دے علاوہ حفیظ طاہر گھوٹیا دے ڈوا انشائیہ "نک" تے "پانی" ڈیکھن وچ آئن۔

کھل بٹ

سنجیدہ ادب دے نال نال کھل بٹ کوں وی ادبی حوالے وچ ضروری خیال کیتا ویندے۔ ایس ضرورت دے پیش نظر سرانیکی زبان وچ لطیفے کتابی شکل وچ پیش کیتے گئین۔ بانو بلوچ دے ترتیب ڈتے ہوئے لطیفیں دے ڈو مجموعے

"سٹریٹس مکار" تے "گھوٹ کنوار دے لطیفے" سلیمان برادرز ملتان دی طرفوں شائع
 تھیں۔ ایویں دلور سرائیکی پہلی کیشنز نور پور نور ٹکا دی طرفوں راہی گبول دے
 مرتب کیتے لطیفے "کھل دے ٹھکارے" تے منظور اعوان دے ترتیب ڈتے لطیفے
 "ٹھکاریاں" کوں کتابی شکل وچ پیش کیتا گئے۔ احسان اعوان دی مرتب کیتی
 کتاب "ڈنڈ نہ پٹ" دا نواں ایڈیشن وی ایس سال شائع تھئے۔
 عاصم ظہور دے کٹھے کیتے لطیفے "رج تے کھلو" دے عنوان نال اتے جلیل
 کھوکھر دی مزاحیہ لکھت "لوٹیں سودھی جھلار چٹ اے" کوں ڈینہ وار "جھوک" ملتان
 وچ شائع کیتا گئے۔

سفر نامہ

نویکے انداز تے مزاحمتی رنگ دے شاعر جہانگیر مخلص ایس ہال سرائیکی
 زبان وچ سفر نامہ "پندھیر و" پیش کر کے آپنے وکھرپ کوں قائم رکھئے۔ اے
 سفر نامہ آپنے ملک دے بے علاقیں دے بارے وچ ہے۔ جینکوں اٹھ منزلیں وچ
 ونڈیا گئے جنہیں کوں پڑھن نال ایس طرحاں محسوس تھیندے جو قاری کتاب پڑھن
 دی بجائے اوں علاقے کوں آپنیں اکھیں نال ڈیہدا ویندے۔ سرائیکی زبان دا مٹھا
 انداز تے پاکستان دے من موئے علاقے دے پندھ دا حال حویلہ رُل کے ایس
 طرحاں سوہنپ پیدا کریندن جو عقل حیران رہ ویندی اے۔ ایس سفر نامے وچ
 سرائیکی زبان دے محاورے، اکھاٹاں، تشبیہاں تے استعارے جیڑھے خاص انداز
 نال ورتائے گئیں اے محض جہانگیر مخلص دے وس دی گالہ اے۔ جے تک منظر
 نگاری دا تعلق اے تاں اوندی مثال کجھ ایس طرحاں پیش کیتی وچ سگدی اے۔

"میں سنگت کنوں انج نیلے پانی وچ بھجیاں، نکھیدیاں، نکیاں نکیاں مچھیاں
 کوں بیٹھا ڈیکھاں، جنہاں دا ون سوناں رنگ برنگاں ویس۔ مچھیاں دی آزادی اے
 ڈساوے پئی جو اتھ کوئی سار کینی۔ میں ایس نیلے پانی وچ آپنے تصور دی بک دنیا

آباد کیتی بیٹھا ہم جو یاراں چپک تے بکل ماری۔ چنگاں لفظ تھی گیا باتے بن اسان
ولدیں اول وستی ڈو مونہ چا کیتا با۔ اندڑتاں ہالاں وستی دے گھراں ڈو دید مارن دی
ویل ای نہ ڈتی پر بن گھراں تے کھڑے کالے جھنڈے تے چڑھے علم، اتھوں دے
وسدڑ واسیاں داسلک نشا برپے کرن۔ رب دا ڈتا حسن جواناں کنوں ڈھیر زانیاں
وچ نظریا۔ اسان وی وستی دے نیڑے آپنوسے تاں ہال والا چیکڑ ہاکڑ پھیندے
ساکوں ویڑھ گئے۔ انت خالد کجھ بھ پاتے اسان بھج دیں ویگن آچر ٹھیوسے۔"

فریدیات

فریدیات دے حوالے دے بغیر سرائیکی ادب دا جائزہ مکمل نہیں آسکھیا
ونج سگدا۔ فریدیات دے موضوع تیں خواجہ غلام فرید دے آپنے خاندان دے
مہاندے لکھاری خواجہ طاہر محمود کورہجہ دی لکھی ہوئی کتاب "خواجہ فرید اور ان کا
خاندان" پوری سچ دھج نال چھپ کے سامنے آئی۔ ایس کتاب وچ کورہجہ سئیں
زبردست محنت نال تفصیلی حالات پڑھن والیں تئیں پچاون وچ کامیاب رہیں اے
کتاب عام قاری دے علاوہ تحقیق کرن والیں کیتے خاص طور تیں اہمیت رکھیندی
اے۔ ایس کتاب وچ جتھاں نایاب تصویراں شامل بن اُتھاں تاریخ تے تحقیق دے
برپاسے کون بھرویں انداز نال پیش کرن نال خواجہ طاہر محمود کورہجہ دی علمی، ادبی
تے تحقیقی شخصیت دا واضح اظہار تمیندے۔

فریدیات دے موضوع تیں محمد اسلم بیتلادی ڈوجھی کتاب "انوار فرید" ایس
سال سامنے آئی۔ خواجہ فرید دے حالات زندگی، فن، خواجہ سئیں دے ہمعصر شعراء،
خواجہ فرید تے علامہ اقبال اتے کلام فرید دے منشور و منظوم تراجم دے علاوہ خواجہ
فرید دی مہر دی نقل، دستخط تے بیاں دستاویزات وی ایس کتاب وچ محفوظ کر
ڈتیاں گئیں۔ خواجہ فرید دی نسبت نال احسان اعوان دے مرتب کیتے "فریدی
ڈوہڑے" دا نواں ایڈیشن تے سلیمان برادر زملتان دی طرفوں ترتیب ڈتے "خواجہ

فرید دے ڈوبڑے "دانوال ایڈیشن ایس سال چھاپے گئیں۔

خواجہ فرید اکیڈمی آف ادبیات دے بک بروشر وچ خواجہ غلام فرید دیں اٹھ کافیں کول اردو تے انگریزی ترجمے نال ایس سال شائع کیتا گئے۔ اے ترجمے پیرزادہ معین الدین قریشی دی پیشکش دے طور تیں سامنے آئیں۔ ڈینہ وار "جھوک" ملتان وچ کلام فرید دے ترجمے دے حوالے نال سجاد حیدر پرویز دا شروع کیتا ہویا سلسلہ "سوکھا دیوان فرید" ایس سال وی ڈیکھن وچ آئے۔ بزم ادب و ثقافت پاکستان ڈیرہ غازی خان دامابانہ "خبرنامہ" ایس سال جاری تھئے جیندے وچ محبوب جھنگوی دی طرفوں دیوان فرید دیں کافیں دے مشکل الفاظ دے معنی مسلسل شامل کیتے ویندے رہیں۔

ڈینہ وار "جھوک" ملتان وچ فریدیات دے حوالے نال کئی لکھتاں سامنے آئیں جنہیں وچوں خواجہ فرید دی کافی اصل حقیقت (ہوتاں پنل نسیا) / محمد اسماعیل احمدانی خواجہ فرید دی روبی والی بی بی / محمد اسماعیل احمدانی، فریدیات وچ لمحہ موجود دا عظیم تحقیقی کارنامہ "خواجہ فرید اور ان کا خاندان" / ڈاکٹر طاہر تونسوی (ترجمہ: حمید الفت ملتان)، حضرت خواجہ غلام فرید دی شخصیت تے شاعری / اعجاز ڈیروی، خواجہ فرید دے مزار دی حالت / شوکت اشفاق، خواجہ فرید دا دھرتی نال پیار / دلشاد کلانچوی، خواجہ فرید دا عارفانہ کلام / راؤ ذوالفقار علی مصور، خواجہ غلام فرید دے نامور شاگرد اللہ بخش عارض / شکیل پٹانی، روبی دا شاعر خواجہ فرید / ناصر عباس رضوی تے کافیاں دا نزول / محمد اسلم بیٹلا دے نال / گنوالے وچ / بگدن۔ ہفت روزہ "صدائے مخدوم" مظفر گڑھ وچ ڈاکٹر طاہر تونسوی دی لکھت "خواجہ فرید کی آفاقی شاعری" تے اعجاز ڈیروی دی تحریر "حضرت خواجہ فرید تے نظریہ وحدت الوجود" کول چھاپیا گیا۔ ماہنامہ "فرید رنگ" ڈیرہ غازی خان وچ محمد اسلم بیٹلا دی تحریر "فرید اور روبی" چھپی۔ ماہنامہ "سنہرا" / ابی حسین بہاولپور وچ فیاض علی شاہ بخاری دی لکھت "خواجہ فرید ایک مطالعہ" سامنے آئی۔ ڈینہ وار "جھوک" خان پور وچ محمد اسماعیل احمدانی دی لکھت "خواجہ فرید دیاں ازواج محترمت" کول شائع کیتا گیا۔

تاریخ تے ثقافت

تاریخ تے ثقافت دے حوالے نال دلشاد کلانچوی دی اہم کتاب "ضلع بہاولپور: تاریخ، ثقافت تے ادب" دے شائع تھیون دا پتہ لگے۔ اے کتاب پنجابی ادبی بورڈ لاہور دی اول سلسلے دی کتاب ہے جیندے تحت بورڈ پنجاب دے ہر ضلع دی تاریخ تے ثقافت بارے کتاباں چھپواون شروع کیتیاں ہون۔

تاریخ تے تحریک ہک ڈوجھے دے لازم تے ملزوم بن۔ قومی آزادی دیر تحریکیں دے بارے وچ مظفر خان ملکی دی کتاب "قومی غلامی دے پندھ" ایس سال سامنے آئی۔ ایس کتاب دے اہم موضوعیں وچوں فرعونیں دے خلاف بنی اسرائیل دے پیغمبریں دی تحریک، سندھ دی وادی دا عروج تے زوال، ریاستی نظام نال پیدا تھیون والی محکومی دے خلاف تحریکاں، الہامی آیتیں نال بین الاقوامی تعلقات بارے احکام اتے تربیت دا انقلابی تے مزاحمتی کردار وی شامل اے۔

ثقافت وودید بھنواون تال ایند ابک انداز ملک اقبال حسن بھیلادی کتاب "سستہ" وچ ڈسدے۔ ایس کتاب وچ سرانیکی وسیب دے جرگہ دے نظام دی وضاحت کیتی گئی اے۔

نذیر علی شاہ دی انگریزی لکھت کول صدیق طاہر دے اردو ترجمے دی شکل وچ "صادق نامہ" دے نال نال شائع کیتا گئے۔ اے کتاب سرانیکی ادبی مجلس بہاولپور ڈوجھے ایڈیشن دے طور تیں سامنے آندی اے۔ ایس کتاب وچ بہاولپور دی مختصر پر جامع تاریخ پیش کیتی گئی اے۔ ایس کتاب دے نایاب تھی و بچن دے بعد ایندی ڈوجھی اشاعت دی بھرویں لوڑ محسوس کیتی ویندی پئی ہئی۔

تاریخ دے موضوع تیں رفیق احمد عاظمی دی کتاب "تاریخ شجاع آباد" ایس سال شائع تھئی۔ جیندے وچ شجاع آباد دی تاریخی حیثیت دے نال نال ادبی تے ثقافتی حوالیں دی وضاحت وی پاتی ویندی اے۔

حام فیاض احمد مہاڑہ دی کتاب "ڈکھ سمندر دل دریا" تاریخ دے حوالے دی
 ہک سہی داستان ہے جیندے وچ صنلے رحیم یار خان دی وستی "ڈاسماعیل" دے
 سندھ دریادی جھل وچ ہڈ و نہن دا پرستی حال حویدہ شامل اے۔ روہی پبلشرز کراچی
 توں شائع تھیون والی اے کتاب جتھاں سرانیکی وسیب نال تھیون والی بے
 زواری دا جیندا جاگدا ثبوت اے اُتھاں ایں کتاب وچ پیش کیتا گیا آپ بیتی دا
 اندازوی من کوں موہ گھندے۔

ابن حنیف دی کتاب "سات دریاؤں کی سرزمین" کوں ایں سال نویں
 ایڈیشن دے طور تیں فکشن ہاؤس لاہور توں شائع کیتا گئے۔ ایں کتاب وچ سرانیکی
 وسیب وچوں چولستان تے ملتان دی تاریخ تے ثقافت دا بھرواں مواد پاتا ویندے۔
 تاریخ تے ثقافت دے موضوع دے بارے ڈینہ وار "جھوک" ملتان وچ چھپن
 والیں لکھتیں وچوں شمد شاہ دی وار اے۔ م۔ ی۔ قیصرانی، قیام پاکستان تے سرانیکی
 مشاہیر / خواجہ عبید الرحمن، تحریک پاکستان وچ ریاست بہاولپور دا کردار / مجاہد جتوئی،
 چولستان تے چولستانی / خالق داد چاچڑ، میں اپنے شہر کوں گولیندا وداں / امید ملتان،
 اوچ شریف دے آثار قدیمہ / خالد جاوید بخاری، تاریخی شہر چاچڑاں شریف /
 عبدالرشید اعوان، ملتان وچ چنپایاں خانیاں دی تاریخ / خالد جاوید بخاری، میڈیا شہر
 صادق آباد / منور ضیاء قادری، مختصر تعارف چولستان / خالق داد چاچڑ، صادق آباد
 کوں منی ہارہ بنا ڈینا گیا / بشیر احمد دیوانہ قائد اعظم دے اکھاں / اختر خان تے
 حضرت سخی سرور / سجاد رحمانی شامل ہن۔ ماہنامہ "سرانیکی ادب" ملتان وچ ظہور
 احمد دھرمج دی لکھت نواب مظفر خان شہید تے ماہنامہ "فرید رنگ" دیرہ غازی خان
 وچ اکرم قریشی دی تحریر "ماڑہ احمدانی دی پنج سوسالہ ڈائری" چھپین۔

سرانیکی وسیب دا اردو اخبار روزنامہ "نوائے وقت" ملتان ایں وسیب دی
 تاریخ تے ثقافت دے حوالے نال ہر ہفتے ہک خاص ایڈیشن "روہی رنگ" دے
 نال نال شائع کریندا رہ ویندے ایں ایڈیشن وچ چھپن والیاں تحریراں روہی، تھل،
 دمان تے ملتان دی تاریخ تے ثقافت کوں نشا بر کریندین۔ روہی دے حوالے نال

ڈٹھا وُجے تاں ایس سال جاوید عثمان شامی دیں لکھتیں چولستانی میلے، صحرانی ڈھر (ٹبے)، وادی بکرہ میں تبلیغ اسلام، روبی ابن بطوطہ کی نظر میں، چولستان اور اونٹ لازم و ملزوم ہیں، چولستانی خواتین اتے درکھان مزدور کوٹھے تے چڑھ دے، دے علاوہ شیخ عزیز الرحمان دیاں لکھتاں "صحرائے چولستان میں واقع درگاہ حضرت چمن پیر"، ریاست بہاولپور کی سرکاری عمارات تے بہاولپور کی دستکاریاں، قاضی عبدالغنیظ دی لکھت "رحیم یار خان سے راجن پور بکلاں تک" اتے وقار عظیم دی تحریر "پاکستان کے لئے ریاست بہاولپور کی قربانیاں" دے ناں گنوائے وُج سگدن۔ تھل دے حوالے نال سید عارف معین بلے دی تحریر "عظیم فنکار پٹانے خان سے ملاقات" تے ڈاکٹر عاشق ظفر بھٹی دی لکھت "جستوی کا سرسید: سردار کوڑے خان مرحوم" کول نمونے دے طور تیں پیش کیتا وُج سگدے۔ دمان دے حوالے نال ڈٹھا وُجے تاں ڈھیر ساریاں تحریراں سامنے آئیں۔ محمد اسماعیل احمدانی دی تحریریں وچوں رسول پور احمدانی کی علمی ادبی خدمات، احمدانی قبیلہ روایت سے تاریخی حقیقت تک "تے رسول پور احمدانی جنوبی پنجاب کا مثالی گاؤں، ہاشم شیر خان دیں لکھتیں وچوں سچی: قبائلی علاقوں کی روایتی ڈش، قدیم وادی سندھ کا تہذیبی و ارتقائی سفر، ڈیرہ غازی خان اور اقبال تے حضرت مولانا احمد بخش صادق، مظہر آفتاب چنڑ دی لکھت جنوبی پنجاب کا مری: فورٹ مسرہ، جاوید احسن خان دی لکھت "تاریخ ڈیرہ غازی خان کا ایک مظلوم کردار نواب محمود خان گجر"، مظہر علی لشاری دی تحریر "ڈیرہ غازی خان کے جواں مرگ شاعر مشتاق اختر کی یاد میں"۔ غلام قاسم بلوچ دیاں "تحریک پاکستان میں ڈیرہ غازی خان کا کردار" دے بارے وُج چار قسطاں، عاشق بزدار دی تحریر "امیر شہر مولانا بخش مرآتی"، محمد سجاد کھوکھر دیاں لکھتاں ڈیرہ غازی خان کے سیلاب، بلوچ قبائل کی باہمی جنگیں تے ڈیرہ غازی خان کی سب سے بڑی تاریخی اور قدیمی جامع مسجد، پروفیسر شکیل پٹانی دیاں لکھتاں ہاشم خان کی تاریخ نگاری تے ڈیرہ غازی خان کی گمشدہ تاریخ، ابن قیصر دی ثقافتی لکھت "سمی: ایک لوک داستان"، زاہد امام دی تحریر "چٹی: ناکردہ گناہ کی سزا میں عورتوں

کو ابدی غلامی کی سولی پر چڑھانے والی بھیانک روایت "تے محمد علی والیانی دی تحریر "فورٹ منرو"، محمد مقیم خان دی لکھت "ڈیرہ غازی خان کے پٹان" خاص طور تیں قابل ذکر بن۔ جے تائیں ملتان دا تعلق ہے تاں ایں سلسلے دے مضمون وی کثرت نال چھپدے رہ گئیں۔ جنہیں وچوں سید عارف معین بلے دی بک ٹی وی پروگرام بارے لکھت "اپنا شہر ملتان ایک بے جان مگر یادگار پروگرام اور ملتانیوں کی کردار کشی"، ملک منیر احمد بھٹ کی تحریروں میں سے دیواروں کے اندر کا ملتان تے ملتان میں دست کاری کل اور آج، مشاہد راجیل خان دی تحریر "ملتان سے قلعہ ڈیروار تک"، سید شمس الاسلام کاظمی دی تاریخی تحقیقی لکھت "بہڑپہ کی کہانی"، محمد جاوید عزیز دی لکھت "عہد اکبری میں آباد ہونے والا قصبہ میلیں" راور فین احمد دی تحریر "جلہ جیم کی بادشاہی مسجد" دے علاوہ حضرت بہاؤ الدین زکریا سہروردی دے بارے وچ پروفیسر بشیر احمد ملک، عارف الاسلام صدیقی، ڈاکٹر محمد صدیق شاکر تے صاحبزادہ حفیظ اللہ شاہ بھروی دیاں لکھتاں دے ناں زیادہ اہمیت رکھیندن۔ سید عارف معین بلے دی تحریر "نوائے وقت ایڈیشنوں کے آئینے میں" وچ وی ایں وسیب دے ثقافتی تے تاریخی حوالے ملدن۔

روزنامہ "نوائے وقت" ملتان دے علاوہ روزنامہ "خبریں" ملتان تے روزنامہ "جنگ" لاہور وچ وی سراپکی وسیب دی تاریخ تے ثقافت بارے کسی لکھتاں سامنے آئیں۔ روزنامہ "خبریں" دی طرفوں ضلع رحیم یار خان تے ضلع لیہ دے خاص نمبر ۱۹۹۷ء دے چھیکڑ وچ سامنے آئیں۔ فزکھل دے مضمون "تحصیل کبیروالہ ماضی اور حال کے آئینے میں" دیاں ڈو قسطاں، چودھری نصیر احمد دی لکھت بہاولپور کا تاریخی پس منظر، راشد خان دی تحریر ریگستان میں ایک نخلستان، ایم عاشق نجمی دا مضمون قدیم اور تاریخی شہر مبارک پور، محمد ابوبکر مجاہد داخلی دیاں تحریراں "راجن پور اور ڈیرہ غازی خان تاریخ کے آئینے میں" تے "مہرے والہ میں منعقدہ بارہواں دو روزہ سراپکی ادبی ثقافتی میلہ، جہانگیر مخلص دی لکھت "خواجہ فرید کی روسی میں جودھویر، کی ایک خوبصورت رات" قاضی سجاد احمد دی، تحریر بحادہ

کے گونا گوں مسائل و سیاسی شب و روز دے علاوہ روزنامہ "خبریں" دے ملتان توں اجراء دے موقع تیں سجاد جہانیہ دی خصوصی تحریر "یہ ملتان ہے" کوں وی شائع کیتا گیا۔ روزنامہ "جنگ" لاہور وچ سرانیکی ادبی تاریخ دے حوالے نال سجاد حیدر پرویز دی تحریر "سرانیکی ادب کے پچاس سال" تے صہیب مرغوب دی تاریخی ثقافتی تے معاشرتی حوالے دی لکھت "ملتان سے چولستان تک بے شمار مسائل میں گھرے ہوئے لاکھوں افراد" دے نال نمونے دے طور تیں گنوائے وچ سگدن۔ ہفت روزہ "یکار" لپہ وچ آفتاب احمد اعوان دی لکھت "لیہ میں ادب" وی ایں سال سامنے آئی۔

لوک ادب

سرانیکی لوک ادب دو دید بھنوائی وئے تاں ایں موضوع دے متعلق مستشرقین وی ڈھیر سارا کم کیتے جیڑھا رومن تحریریں وچ یا انگریزی وچ شائع تھیندا رہ گیا۔ ایں کم کوں سرانیکی وچ پیش کرن ویلھے دی اہم ضرورت اے۔ ایں ضرورت تے اہمیت دے پیش نظر ایف۔ ڈبلیو سلیمپ دی رومن لکھت کوں سرانیکی زبان دے چاہیے سنجائیے تے نیے پر نیے لکھاری شوکت مغل "ملتانیاں" دے نال نال سرانیکی اکھریں دا چولا پوائے۔ شوکت مغل انہیں کہانیاں کوں سرانیکی روپ ڈیون دے علاوہ ہر کہانی دے حواشی وی لکھیں۔ حواشی دے حوالے نال پیش کیتا گیا تحقیقی کم زبردست محنت تے کوشش نال پیش کیتا گئے۔ سنجوک پہلی کیشنز، ملتان دی طرفوں شائع تھیون والی ایں کتاب دے مختلف موضوعیں وچ بہاول خان دیاں کہانیاں، نواب مظفر خان دیاں کہانیاں، دیوان ساون مل دیاں کہانیاں، رلیاں ملیاں کہانیاں، پٹواریاں دیاں کہانیاں، کچھ بیال کہانیاں، ملتانیاں گیت، فرہنگ تے کتابیات شامل ہن۔

ڈینہ وار "جھوک" ملتان وچ م۔ ی۔ قیصرانی دی لکھت تاریخی قصہ محبت خان

تے سری موچانی، ملک عبداللہ عرفان دے "لوک قصے" تے بانو بلوچ دیاں
 "بجارتاں"، ہفت روزہ "صدائے مخدوم" مظفر گڑھ وچ نوید اقبال دیاں "بجارتاں"
 گھٹیا رسم تے ریت، گالیں مندے تے سناوٹ دامن، اتے ماہنامہ "سنہرا" وای
 حسین بہاولپور وچ محمد اسلم رسولپوری دی لکھت "عمر ماروی دا قصہ" کوں لوک ادب
 دے نمونے اکھیا وچ سہدے۔

سیاسی ادب

سیاسی حوالے دیاں ڈھیر ساریاں لکھتاں تاں ۱۹۹۷ء دے الیکشن دی وجہ
 توں سامنے آئیں۔ جے تک سرانیکی وسیب بارے سیاسی ادب دا تعلق اے تاں
 ایں حوالے دیاں وی کئی لکھتاں سامنے آئیں۔ جنہیں وچوں مجاہد جستوی دیں لکھتیں
 "سرانیکی وسیب کے ابلاغی ادارے"، "چولستان میں کربلا" تے "ٹیڑھا درخت"
 دے علاوہ راز جستوی دیں تحریریں "سنگین مسائل" تے "جیو اور جینے دو" کوں کتابی
 شکل وچ پیش کیتا گئے۔ کئی پمفلٹ وی ایں سال سامنے آئیں جیویں جو ریسرچ
 سیل سرانیکی قومی موومنٹ پاکستان دی طرفوں "چلو بھر پانی" تے "بجٹ دی
 تقسیم" دے ناں گنوائے وچ سگدن۔ اخباری حوالے ناں شائع تھیون والیں
 لکھتیں وچ سرانیکی انقلابی پیکیج / نور محمد مہر، عبدالمجید خان کانجو ناں گالہ مہار
 عنایت اللہ مشرقی، ضلع رحیم یار خان دی سیاسی ڈائری / قمر اقبال جستوی، سرانیکی
 نیشنل پارٹی کیوں؟ / عنایت اللہ مشرقی، سرانیکی نیشنل پارٹی دے سربراہ
 عبدالمجید خان کانجو دا موجودہ سیاسی صورت حال بارے موقف / امان اللہ ارشد،
 سرانیکی قومی موومنٹ دے سربراہ حمید اصغر شاہین دا انٹرویو / ظہور احمد دھرمبجہ،
 الیکشن ۹۷ء تے سرانیکی جماعتاں / ڈاکٹر جاوید اقبال لگے زئی، سرانیکی سدھار
 تحریک علم دے بغیر / غلام فرید شاہ، ول ڈیکھ تماش / شا کر ملک، کیا سیاسی جماعتاں
 سرانیکی وسیب دی محرومی تے انہاں دے مسئلیاں دی گالہ کریں / اسید حسنین

رنا، چیکدی ہاکدی دھرتی تے لگے ہوڑے گودے / آفتاب نواز مستوی، سرانیکی
 وسیب اچ سماجی ادارے / مجاہد جستوی، یونائیٹڈ نیشنل انٹنس تے پاکستان سرانیکی
 پارٹی / افضل مسعود، سرانیکی مسند / سلیم خان نیازی، جنوبی پنجاب نامتھورا
 عبدالستار تقسیم، مردم شماری سرانیکی خانہ دے بغیر آئین کنوں انحراف کیوں ۱۹
 ایم۔ اے خالق بھٹی، آدم شماری وچ سرانیکی خانہ دی اہمیت / جمشید کلانچوی،
 قائد اعظم، مسلم لیگ، علامہ اقبال تے سرانیکی صوبہ / مختار ساغر، ادب تے سیاسی
 کلچر / ابن قیصر اے محمد اسماعیل احمدانی دی تحریر "سرانیکی تحریک وچ منتقاد
 عناصر" شامل ہن۔

سالانہ ایوارڈ تے اعزاز

ڈاکٹر محمد صدیق شاکر تے کوثر شرمین دیں کتابیں اتے مجنوب جھنگوی
 دے تکنیکی ادبی مسودے تیں مسعود کچھڑ پوش ایوارڈ ڈتے گئے۔ فرید سرانیکی
 سنگت دیرہ غازی خان دی طرفوں سالانہ "فرید ایوارڈ" ایس سال ساتی سمینوی تے
 عبد المجید ناصر کوں دان کیتے گئے۔

سچل سانجھ تے سانول سنگت دی طرفوں "سچل ایوارڈز" ڈیون دی تقریب
 ملتان وچ تھئی۔ ایس تقریب وچ ڈتے گئے ایوارڈز وچوں سرانیکی ادبی حوالے نال
 سینئر پروڈیوسر خورشید ملک، اصغر عابد تے حمید قیصر دے نال گجھدے وچ
 سگدن۔ آل ملتان یوتھ فیڈریشن دے اہتمام نال "گولڈن جوبلی یوتھ ایوارڈز" دی
 تقریب ملتان پریس کلب وچ تھئی جیندے وچ کوثر شرمین تے بہار النساء بہار کوں
 وی ایوارڈ ڈتے گئے۔ بہار النساء بہار کوں "دی انٹرنیشنل کراچی" دی طرفوں وی
 "گولڈن جوبلی ایوارڈ" کراچی وچ تھیون والی ہک تقریب دے دوران ڈتا گیا۔ ملتان
 وچ پیرزادہ معین الدین دے ادارے دی طرفوں ۱۹۹۷ء دے "خواجہ فرید ایوارڈ"
 وی ایس توں پہلے سال وانگوں برڈھڑا شکار تھی گئے۔ ادیسبیس ایس سال وی تقریب

دسے دوران احتجاج کیتا تے اے ڈوجھی واری ڈتے ونجن والے ایوارڈ وی پہلی واری
وانگوں اتبجھے لوکیں کوں تلونگڑیں وانگوں ونڈیے گئے جنہیں داخواجہ فرید نال کہیں
قسم دا وی کوئی گانڈھانہ با۔ تعلیمی بورڈ ملتان دی طرفوں ہر سال استادیں دیں لکھیں
گئیں کتابیں تیں انعام ڈتے ویندن ۱۹۹۷ء وچ پہلا انعام سرانیکی سیرت نگار
ڈاکٹر محمد صدیق شاکر کوں ڈتا گیا۔ اسلامیہ یونیورسٹی بہاولپور دی طرفوں ۱۹۹۷ء
دے چھیکڑ وچ میڈل ڈیون دی تقریب تھی۔ ایں تقریب وچ ایم۔ اے سرانیکی
کرن والے ۱۹۹۱ء توں ۱۹۹۴ء دے طالبعلماں کوں وی سونے تے چاندی دے
میڈل ڈتے گئے۔ سونے دے میڈل گھنن والیں وچ جاوید حسان چانڈیو، ریاض احمد
بھٹہ، ساجدہ بتول تے عقیدہ مختار شامل ہن جبکہ چاندی دے میڈل سجاد حیدر پرویز،
حمید الفت ملغانی، طاہرہ نسرین ملک تے زہبت رابعہ کوں ملیے۔ ۱۹۹۷ء کوں اے
وی اعزاز حاصل اے جو ایں سال سرانیکی دے مہاندرے لکھاری احسن وانگھا کوں
سرانیکی لسانیات دے موضوع تیں لندن یونیورسٹی توں پی ایچ ڈی دی ڈگری ملی۔
ڈاکٹر احسن وانگھا اے ڈگری ڈاکٹر کرسٹوفر شیکل دی نگرانی وچ حاصل کیتی۔ اسلامیہ
یونیورسٹی بہاولپور دے چولستان انسٹی ٹیوٹ آف ڈیززٹ سٹڈیز دے ریسرچ
آفیسر محمد ارشد کوں "چولستانی صحرا وچ تھیون والے گھما مرٹ تے سیون"
بارے تحقیق کرن تیں پی ایچ ڈی دی ڈگری ڈتی گئی۔

جیون انت نکھیرا

ہر سال وانگوں جتھاں ۱۹۹۷ء سرانیکی ادب وچ ڈھیر سارا ودھارا کیتے
اتھاں نہ پورے تھیون والے ادبی گھماٹے وی ایں سال دے حصے وچ آئیں۔ روبی
وچوں ترانے چونوئیں سرانیکی لکھاری انجم لاشاری، دلشاد کلانجوی تے ملک عبد اللہ
عرفان ایں سال واری واری جھوک لڈا گئیں۔ تھل وچوں نادر سرانیکی سنگت لیہ
دے صدر نادر قیصرانی ادبی حلقیں کوں وچھوڑا ڈے گئیں۔ دمان دے واسی تے

بزرگ شاعر شاکر جام پوری سچ دے پندھ دے پاندھی بن گئیں۔ ملتان و جہول اردو
تے سرایتی ادب دی راہی حمیدہ چغتائی دے ڈینہ پورے تھی گئے۔ سندھ دے
وادی مہر کاچیلوی تے اداکار نور محمد لاشاری دے جیون دا است وی نکھیرے دی
شکل وچ سامنے آئے۔ اناللہ وانا الیہ راجعون۔



حمید الفت ملغانی دیاں لکھتاں

- ۱۔ بگل گلاناواں ریت دا _____ (سرائیکی ترجمہ: ڈرامہ ممتاز مفتی)
- ۲۔ سرائیکی لوک ریت _____ (لوک ادب)
- ۳۔ سرائیکی ادبی ٹور ۱۹۹۳ء _____ (سالانہ ادبی جائزہ)
- ۴۔ سرائیکی ادبی پندھ ۱۹۹۴ء _____ (" " ")
- ۵۔ سک سو جھل _____ (شاعری)
- ۶۔ دھرتی قائد محابو _____ (تاریخ)
- ۷۔ تازو _____ (اردو ترجمہ: ناول ظفر لشاری)
- ۸۔ سرائیکی ادبی رُت ۱۹۹۵ء _____ (سالانہ ادبی جائزہ)
- ۹۔ سرائیکی ادبی سہل ۱۹۹۶ء _____ (" " ")
- ۱۰۔ سرائیکی ادبی دگ ۱۹۹۷ء _____ (" " ")
- ۱۱۔ سرائیکی میں بچوں کا ادب _____ (اکادمی ادبیات پاکستان دی طرفوں
زیر طبع)

سرائیکی ادبی بورڈ ملتان دیاں آون آلیاں کتاباں

۱۔ سرائیکی دے چوٹویں افسانے۔ (ترتیب تے انتخاب: ڈاکٹر طاہر تونسوی)

۲۔ تنقید دا دبستان۔ (مصنف: ڈاکٹر سلیم اختر
مترجم: پروفیسر شوکت مغل)

۳۔ سرائیکی کی منتخب کہانیاں۔ (ترتیب و انتخاب: اُمراد طارق)

۴۔ پارو۔ (کہانی کار: محمد حمید شاہد
مترجم: اصغر عابد)

۵۔ چیرٹھیاں پگندھیں (کہانیاں دا مجموعہ)۔ (مبیب فائق)

SELECTED COFFEES OF KHAWAJA FARID

(Selected and edited by: AMIR HAFEEZ MALIK)